

武寧縣志卷之五

武寧縣知縣滇南李

山川

元黃既剖流峙茫然百昌攸託以植以潛聿昭地利用
畫疆擬豫章壯邑雄峙西偏太平陸鎮三砦水關飛泉
垂綬羣峯插天實產瑰特亦聚真仙靈巖詭石其象萬
千厥美弗耀局鑰惟堅圖經載啟名勝永宣志山川

山附巖洞源

縣治山

印山縣治文廟後翠柏四株教諭彭錫珩植
紗帽山縣治西百步盛文郁讌遊處見古蹟
曹婆洞在印山側世傳有曹婆居此



附城山

玉枕山縣北二百八十步其狀如枕為縣治倚負山上有喜雨亭今廢

獅崖縣東二里崖怪峭若狻猊蹲踞狀為邑城關鎖上有閣知縣萬友正復建登山臨水之亭以恣遊眺曲磴危闌雲烟萬態風帆上下睥睨無垠每當晚照諸山翠映襟帶意境尤佳學人韻士題咏獨盛

法昌山縣西龍潭上宋黃山谷嘗維舟其下見山谷集

登高山縣治河之南二里許昔人佩萸採菊處也前明建浮屠以補巽峯今僅存兩級

縣西山

以下諸山各分方隅遠近次第便於觀覽

四望山縣西里許其巔周壑四面山水市井烟火歷歷指顧間為一邑憑眺勝地有亭曰四望亭宋韓琦李綱兩次修建知縣王寧慕二公之賢易名曰勿翦詳古蹟

七星山縣西里許峻壁瞰江岌業聳踞嶢嶷七里上下隔絕宋邑進士李宗道闢逕山腰以通往來其磴蜿蟺高懸遠望如線行人危栗宏治間義俠盛如海子璩璽鑿石山下平廣可容車馬至今便之乾隆間監生李宗平續修道光癸未其曾孫旭昇等重修詳村莊條

臥仙岡縣西八里橫枕江干形如仙臥

將軍洞縣西二十里雄瞰修江有英毅之狀

五鳳山縣西二十里自太平脈絡聯蟬而出五山並立如鳳為豫右翼僧元印建寺有記

龍鬚洞縣西三十里路徑蜿蟺中有象牙田鐵釜竹凹長凹

產茶

洞口有龍峰山禱雨最靈里人建殿其上

碎石嶺縣西三十里山多碎石

玉屏山縣西四十里在烟港之北方正如屏雙冠山居港南

倚屏而望如雙冠布列然

鐘鼎山縣西四十里太平山麓相傳呂岳遊仙於此有丹崖

宋勅建玉清宮華蓋覆之旁有黃婆洞洞有流月池磊思

潭石室藥白釀泉泉清甘飲之醺然欲醉洞凡數里多異

蹟

羅屏山卽羅峯縣西四十里危峯突聳矯插雲端登眺其上

萬象森然羅列襟帶間爲西南勝觀自西望羅峯自南望

柳峯秀出人寰邑中可遠見唯此二峯最佳

羅巖在羅峯之麓初入有大堂垂白蓮堂廣數仞高倍之少

進折右得耳臺有雪壁雲田其田廣六尺長九尺中界數

十層雲瀾簇湧每界高二寸厚得寸之二瀦洞如縐其間

空廣寸許有水瑩瑩然凡數十層工緻勻停雖刻畫不能

也復入有樓樓下有橋最深達巷巷盡旁有竇水溢出解

衣匍匐入有闕有池復闢洞天其妙不可窮云

冰文巖縣西建富象坡上巖門從東入三折而西出有冰裂

文深入仞皆明潔可奕可飲中有雪簾又有石如魚如球

如耳狀

飲馬岡縣西六十里岳將軍飲馬處見古蹟

石燕巖縣西去澧溪二里許怪石盤空由前門入虛明洞徹

玉壁晶瑩乳石懸垂奇詭異狀紆折深通乃從後竇出遂

達巖頂遊者品題甚富李大史應熙有詩見藝文

厓山縣西七十里怪石巉巖奇峯萃嶽上有白羊峯羅漢崖
碁枰石雞冠石鷹觜崖諸勝中有風洞投以石聲淵淵如
鼓振少頃風發人不能立其下有泉水清冽而甘永久旱
不竭

赤岡縣西七十里以色赤故名

鏡臺嶺縣西七十里其上有亭列岫環向

蠶嶺縣西八十里眾山蠶叢綿匝周織烟雲萬狀

龍崖縣西八十里峭壁縣削隱如龍躍下臨木潭其上有紫
溜丹硯宛若霞飛

白石山縣西百里白石庵後青崖數十丈浮面一層如凝霜
雪世傳許旌陽磨劍傾潑水溜亘古不泯其下卽白水溪
香菜山縣西百里其山平坦多產香薷一名香薷山

香爐峯縣西百里下臨楊坑眾山環拱世傳仙人煉丹於此
時有白雲繚繞里人占試晴雨屢驗

馬鞍山縣西百里形如馬鞍

九龍峯縣西一百二十里九峯危峻蜿蜒中有福主觀卽馬
志碑

石鏡山在九龍峯麓嵌空而生石滑而黑與日光相盪則精
氣上升朗如月暈瞬息異狀宋置壽聖院今廢邑舉人盛
元績有記見藝文

七峯縣西百二十里南嶠有七峯森出幽翠可掬

石城山縣西一百六十里延袤如城爲武邑諸山綱領

縣西北山

石羊洞縣西北五十里由建富沿溪入洞有村壤溪中有飲

羊池旁伏石羊復入有峭磴關紐曰巴茅田窮其源九四
十里至大平山

天河山縣西北五十里山巔有池廣數畝產荷花甚盛無著
和尚結庵於此覆以荷葉曰荷葉庵

果子洞縣北七十里由山磴折入兩旁古木交翳如偃蓋石
縫蒼根橫出若闕內有石室石鍋可玩山產茶榷洞中人
稱榷子爲果子故名

遼山縣西北八十里巍然聳立雄據上游爲邑巨鎮

太平山縣西北八十里由鐘鼎山旁登山羊腸鳥道二十里
至三仙坡又二十里至太平宮章真人煉丹處旁有鶴山
龜山葫蘆石極高亭前有龍井枯槎溪雲關又有豹齒石
北極山石船龍門孟姥潭獅子巖石人洞諸勝元揭傒斯
遊此有二十二咏見藝文

雲旗山在太平山極高亭陰翠雲緲縹蕩人心目揭曼碩有
詩見藝文

三仙岡在大平山腰卽三仙坡相傳三仙集此又梧桐岡皆
經揭曼碩遊有詩見藝文

治妝巖縣西北年豐鄉相傳有仙女治妝於此其巖覆石如
屋聯以楹簷爲寺前有石人相望曰石人嶺

東延山縣西北九十里山多岬石

九宮山縣西北一百六十里相傳九龍降池中名九宮又云
晉安王兄弟九人嘗造九宮於山宋張道清修真處山跨
吳楚其陽隸武寧陰隸通山田食仰於寧其中有飛泉如
雪溫泉如湯又有三峯撥雲峯龍湫怪松坡試劍石眠雲

石諸名蹟謝枋得有詩見藝文

陶姚洞九宮山側見古蹟

噴雪崖九宮山瀑布懸流如雪噴激千仞駭目蕩心相傳陶姚二真人飛昇其上

按九宮山脊分水爲吳楚界通志載九宮屬武寧其陰隸湖廣通山縣則宮基尙在武寧今鑿界於韓渡墳云

縣北山

金盆嶺縣北里許有嶺團團如盆上平坦可坐百人遊眺其間可一邑之勝

黃牯嶺縣北五里世傳逸人牧黃牛其上

神童山縣北十里周天驥讀書於此舉神童舊建有神童祠天石巖在縣北棠盤由包山左折山陰一洞潛開肘腋廣可

布十席巖脊一罅逗漏天光白晝見烟雲來往俗呼爲天竈窟一磴層級遠洞巔如鐵橋然少東支洞旁開隱隱相望而深特不可測土人張炬討幽約半里許曠衍如平原垣塹相續冷風倏來一炬將盡遂股栗而還後無有至者邑人李趣堂有天石賦

天馬山縣北山高倚雲若天馬騰空

雞籠山縣北二十里上有仙人飛劍遺跡舊爲禱雨處

雙嶠山縣北三十里其磴委曲盤雲上有雙峯並峙巖巖浮翠麓北怪石離立如門爲豫寧後庭鎖鑰側有古樟一株伊山縣北三十里世傳伊洞湫水泛一卵出大如盃爲逸叟所得後竟成龍所謂伊洞龍馱是也事見雜記山產茶與

木瓜

回頭山縣北五十里俗傳章真人煉丹於此後居太平嘗回顧此山故名

仙姑洞縣北五十里白羊山麓初伏行數十步忽寬敞有石屹立少進而右坐石人曰仙姑下橫石臺列小圓石色白頂縣石鍾旁繞石曰旗傘再進有二井水聲泠泠左右兩橫洞洞口石人無數其深不知所底

楊新山縣北一百里其山高抵興國州

石泉洞昇仁鄉洞內五泉並出灌田頗多

宓羲洞上北山興國接壤處縣流千仞崩飛如雪久旱水涸則作鏗鏘金石仙佩飄飄之音蓋縣北佳境也

翠律峯縣北百里尖秀插天望之如筆

矛岡昇仁鄉中村岡石多奇有石室覆路人行其下旁有石

潭潭深碧隱隱見其中有門櫺又有石筆石梁石笋石人石獅子怪異陸離又有一石削立如甕甕有口多藏猴又其石多如戈矛故名

獅子巖昇仁鄉當吳楚之界巖口高張有吞吐烟雲狀

天尊山昇仁鄉山勢崑崙氣象尊嚴端正一方如北極然

四面山即顏嶺山昇仁鄉山無向背四方皆面秀翠可挹爲

一鄉之勝其山寺有石平展可坐數十人俗呼曰迎風臺

虎頭山昇仁鄉中村武寧興國州界

黃土嶺縣北一百二十里山色黃有瀑布縣垂如長虹嶺腰

有洞深邃不測

北山崖昇仁鄉見雜記

縣東北山

磧磯山縣東北源深二十里有磧如階水清且漣又名潔溪
青牛峽縣東北三十里峽最奇險夾溪縣崖絕壁道經其下
俗名牛頭峽鄉人余尊大余紹高設木柵禦闖賊處今其
蹟尙存

青牛洞縣東北三十里世傳有青牛往來爲令威所乘之牛
紫鹿嶺縣東北四十里與青牛洞相峙世傳仙人騎紫鹿訪
丁令威於此見古蹟

枇杷峯縣東北形勝最佳尹恕有詩見藝文

書堂山縣東北四十里世傳唐張寧隱居讀書於此故名

重巖山縣東北四十里重巖險阻人跡罕到

丫髻山縣東北六十里如雙髻挽雲翠黛蟠空

梅崖山縣東北六十里山高峻泉石洞壑引人入勝山北有

白蓮堂飛來石觀音巖山南有龍隱寺沙溪泉獅子崖響

洞石船諸名蹟夏曰瑚有記見藝文

北屏山縣東北六十里高障如屏山頂多沃壤廬烟相望別

一村墟

魯溪巖縣東北七十里巖口有石如闕門距丈餘有竇可二

三人並入下趨三五級泉漚如沼深尺許涉水以進高巖

如屋堂可容百人鬱石盤錯如旗旛華蓋飄颻其上蒼碧

間雜蔚如繪畫左折有石如臺上有象如龍如佛又有縣

石如鐘叩之鏗然又一石橫亘上有町畦如田蓄水不洩

遊者燃火深入循委巷紆行又有田十二區石碁石孟石

白諸象再前則有龍潭淵洞深黝泉水上湧不可復入邑

人余長祚張廷藻俱有記見藝文

石佛洞縣東北魯溪山上當窮崖絕壁間嵌空如樓中有怪石如佛象神鬼羅列異狀森出雖巧莫能施也有石叩之如鼓音

馬脊山縣東北七十里與羊腸毗連山多田壤泉水灌注久旱不涸村舍環繞別有景象

羊腸山縣東北九十里盤曲崎嶇與瑞昌興國連界中有山田倚山而居者隨山高下別無邱壑其巔有二大塘俗曰雷公塘雷母塘見池塘類

縣東山

鳳翅山縣東五里狀如鳳飛瞰修水

伏虎山縣東十五里下有古樟陰翳數畝

南臯山一名仙姑山縣東十五里循曲磴上有仙姑庵唯石巉刻舊志載下有二塔有古祠相傳爲七仙姑飛昇處旁有井曰汲仙井蓋仙姑搗藥所也

金雞山縣東安樂鄉山上有石望之如雞

遼東山縣東三十里丁令威化鶴遼東卽此山也山下有精靈觀卽丁令威故居觀前有古柏二株別傳爲冀北遼東者誤

大峯山縣東三十里羣峯環拱孤峯岌立其巔常有雲覆觀風山縣東三十里橫亘如屏其巔平端豁露可以坐觀一邑之風或曰冠床山以其山形高拱岌岌如冠然俗傳仙人玉棺又名冠山

石鏡山縣東三十里石壁平立晶瑩如鏡對之鬚眉畢見石離其壁輒不明故不爲人所取又青牛洞陰有石卧路間

亦明如鏡

晉謝靈運入彭蠡湖口詩曰客遊倦水宿風潮難具論
州島驟迴合坼岸屢崩奔乘月聽哀狖浥露馥芳蓀春
晚綠野秀巖高白雲屯千念集日夜萬感盈朝昏攀蘿
照石鏡牽葉入松門三江事多往九派理空存靈物吝
珍怪異人秘精魂金膏滅明光水碧綴流溫徒作千里
曲絃絕念彌敦按

國朝金壇于光華文選集評註石鏡山在南昌府武寧縣是
康樂亦曾至武矣考集評註俱本地地理今釋一統志諸
書不爲無據或云六臣原註引張僧鑒濟陽記曰石鏡
山東有一圓石如鏡然未確指何地之山或云輿地懸
隔不能越三百里而至此邦且題爲入彭蠡湖口不知
松門在新建距湖口視武較遠又武邑唐以前曾隸九
江隸江州康樂好遊無分遐邇命題亦第舉其大概讀
詩辭自見今附於此以待後之考古者定焉

望巾嶺縣東巾口之陰相傳丁仙遺巾時里人於此望見之
故名

三山縣東四十里邑人邢以忠有三山堂記

墨斗嶕縣東四十五里其形如斗深墨色削立江干

雲蓋山在昇仁鄉宋岳忠武王追賊過此祀於山之龍興寺
暇洞縣東六十里洞凡十二門初入軒豁類王侯宅少進得
兩洞一左一右右類月有石樓左類秋葉及三進空曠與
門不甚類惟兩旁稍約第四門如曲巷左右石樓可猿臂
攀引深黝不見天日惟第二門有日光從月洞石樓相射

以後諸門不敢入但聞泉響鏗鏘若遠若近其中景物不勝觀縷大約與魯溪埒邑人張問達有記

吳僑洞縣東六十里昔吳僑煉丹於此

燕巖在箬溪惠民寺後洞凡三門第一門方廣如堂二三門如燕巢故名

盤嶺縣東六十里天將兩山腰必有一線微雲蒸蒸騰上望兩者常於此占焉

縣西南山

柳山縣西南三十里孤峯聳翠卓立如筆巔平淨廣可畝許唐柳渾隱此後人以之名山上有石井書院祠堂湧翠亭宋白玉蟾有亭記又有石門門壁刻詩山腰有觀音閣龍巖佛巖其陰有讀書臺故址其側有小柳山

佛巖柳山之陰巖門有大柱中立岐爲兩戶分入明潔可坐卧唐柳惟深遊息處旁有龍巖泉自巖出清鑿毛髮

陳坊山縣西南四十里以居人姓得名自柳山讀書臺望之絕佳上產異草風雨澄之益滋芬芳今從其音爲澄芳山

月山縣西南四十里山峙地平如半鈎月影倒照修江

仙人峯順義鄉雄踞潭上與遼羅柳三峯相望章真人仙處珠嶺縣西南五十里松林繁蔭綿亘里許時有風濤泛響耐人傾聽

霧山縣西南五十里俗曰葵山

七里岡縣西南五十里僻徑深邃翠嵐可挹

大乘山縣西南五十里山腰有嵯嵯多竅石峭厲皴透色白隱隱如雪文人取爲盆玩

武寧縣志 卷五 山 四百六十四
鷺鷥洞縣西南五十里洞陰有羅漢寨基礫尙存

牛皮洞縣西南六十里曰觀音巖中容大溪溪水伏行不測巖下人以旱率千工鑿竇通水可灌田數百畝

馬山順義鄉綿亘七里澗鳴壁峭上甃石亭有小瀑布有溪曰瀧溪中多沃壤又有南巖菖蒲嶺桃樹嶺諸勝

觀音崖順義馬山寺側高崖突出如觀音狀面列香爐峯左右眾山環拱俗呼十八羅漢皆曲肖

石鐘山縣西南有石如鐘擲石輒鳴

橫堂山縣西南八十里有翠雲寺寺陰有桑釜泉可通僧厨又有幽磬元鐘鞍岵燕巖疊蓮巖孝烈坡諸勝蹟

疊蓮巖南鄉橫堂山崖石磊疊如蓮瓣濃郁紛披可愛中多曲室漏明尤爲一鄉遊玩佳處

雷洞縣西南八十里洞中嘗有雷起人不敢入

東山縣西南八十里山多怪石有香爐崖畫眉崖尤佳

銀鑪山縣西南百里形如鑪石多白如銀色故名

鳧堂山南鄉世傳章真人燒煉於此有石垣丹竈遺跡

芳谷巖南鄉北山下初入巖口稍隘折進有小房循逕入得

榻八尺許又紆行數十步至堂堂廣二丈高數倍堂陰有

旁竇由竇口出得小房又折入巷巷盡有梯援梯登石崖

可遠望復入有竈有室不可窮詰其巖靈曲深邃凡數里

皆自下登級而上石壘壘覆嵌空漏明遊者不待執炬而

諸勝自獻云

紅字巖南鄉青林澗巖內有朱染王善二字經久不變

石門山縣西南百二十里斜港源兩山聳崖成門高二丈許

中不相接處止數尺門據要路緣崖而行溪自門出多魚
曰山首魚喜藏石隙

尖嶺縣西南百二十里山當石門之陽形尖如筆上聳雲端
爽氣橫空雅擅諸山之勝

甕嶺山縣西南百二十里其山連峯疊嶂屏峙一方山陰卽
寧州界

大孤山縣西南百四十里孤高險絕

縣南山

羊角山縣南一里溪山窈窕攬一邑全勝盛宗齡有詩

飛鳳山縣南二里以形名上有東林寺

大崙山縣南七里有仙姑菴

將鼓嶺縣南十里相傳盧將軍擊鼓處

武安山縣南二十里元邑人胡紹遠屯兵保障處砦城遺跡
猶存

白鶴岡縣南二十里仙女丁秀英跨鶴上昇處

白鹿岡縣南二十里晉時有白鹿遊其上馴擾不去民以獻

瑞

獅子崖縣南中堡溪旁怪石嶙峋若狻猊狀其草卉攀鬆如

毛鬣溪中一石卷起圓若毬俗云獅子狎毬邑舉人張應

遜有記見藝文

長岡省志載武寧長岡得神鐘事而武寧山名無稱長岡者

惟縣南二十里一盆鰍山岡綿延數里形勢頗長稱長陵

岡殆卽所謂長岡歟

三卷山縣南二十五里山最高其逕如羊腸曲巷

樓簷山縣南三十里嚴陽山東峽壁立數十丈下臨深淵一
磴橫亘表里許廣三尺行者如登懸簷惴惴然不敢注視
潘塢山縣南有潘墓故名

石人洞縣南嚴陽山中上下三折中洞一石特立山半肢體
畢具上體色黝腰以下綠白相間儼若人衣帷裳然者洞
尾有石柱高數丈頂橫一石如人掇置者又曰掇石洞其
間鳥道相通約十里崎嶇險仄肩挑者須解重背負而上
里人積金爲會鳩工鑿石越歲始成坦途可容車馬

嚴陽山縣南四十里出入三峽巉岬怪石棧道相通世傳嚴
陽尊者善信結菴於此菴側有泉自石中出如獲尊者嘗
參龍於此旱可禱雨

石獲洞縣西南四十里見古蹟

飛洞山縣南四十里世傳盧仙姑飛昇其上有遺鞋石跡
業山縣南四十里山韞美石紫色有鸚鵡眼琢爲硯似端溪
山半有邱氏敬承堂義塾邑人鄧敏有記見藝文

半山縣南五十里有危崖懸厓棧道下臨不測險如蜀道
新開嶺縣南六十里下臨溪潭怪石碁列中有獨石如帽曰
紗帽鄒喜陽開鑿建亭其上

河鼓洞縣南七十里硤岬壁立懸瀑數十丈下注深洞轟聲
如鼓俗呼鑼鼓洞洞口有釣磯相傳葛近峰得道於此爲里人禱雨之所

澗水崖在南鄉高坪山瀑布懸流如雪約十丈許崖下有黑
泉雨後水驟出如墨俗呼爲洗岬水高懿有詩云素齋無
客雲來往百尺飛泉瀉碧湍一時文人多過訪焉

白崖山縣南九十里孤峯嶄然如縣白練內有風洞洞口塵

氛如掃人不能立

核桃崖南鄉廉村溪中橫亘下流水自石隙出若關紐然其崖凹凸皺透奇潔可玩

畱雲崖在上南鄉舉崖嵯峨與南山並秀其上多雲氣活潑變幻一名活活崖

朱家山縣南百里接靖安界山路崎嶇旁有溪澗不任車馬忠武王岳飛斬趙萬於此見岳珂金陀粹編

穀樹嶺縣南百里

大蕘山縣南百餘里山腰有碧虬巖俗呼大蕘洞由石室入上巖敞明袤延里許又從小石隙度下巖如房屋可棲時復漏明有崖分二層如樓屋然毗連曰南山有團巖深廣可容千人其下空洞不測

楊峯在南鄉南山山腰有焦巖綠陰延翠里許人行其中如遊碧天峯巔有數石小者五六尺大者丈餘墨色叩之有聲皆可坐

縣東南山

五老峯縣東南十五里五峯聳峙如老丈山腰有雲臺書屋故址明邑人方孟縉潘儵邢萬策讀書處

晴雨崖在五老峯右巉崖壁立光則雨暗則晴里人試之屢驗俗呼祈雨崖

高崖縣東南十五里形勢危峻有竇由山麓入仄徑盤紆自下而上達山腰約里許

大巖縣東南二十五里巖在山半依巖爲寺可容數百人前後壁立惟左右可通

磨盤嶺縣東南三十里崖石環結周旋如磨

賓陽岡縣東南四十里有搢頤亭筠雪樓諸勝見古蹟

西山縣東南三十里遠邇觀眺爽氣襲人

馬首山縣東南三十里昂首江岸俯矚修水有臨流欲渡之勢

覆鐘山縣東南三十里平疇中突出孤巒巖鎮如覆地之鐘
洞坑山縣東南四十里山巔有坪四高中凹如丹爐泉水不
涸出硤口成瀑布遠觀如練

天柱山縣東南四十里孤峯入雲巍然天半山腰有頭陀寺
長墅源縣東南長樂鄉由麀嶺入雲關有鷹崖飛縣山腰下
瞰曲澗如張翅欲飛狀又有丈人峯靖公崖其崖如怒濤
登湧最奇者曰危濤峯少進有靖公菴靖公與黃山谷善
時相往復旁有泉甚清甘曰靖公泉菴前有石几可奕其
磴循溪鑿徑關險紆折登降以入旁有石刻內多村田澗
水灌注不涸

仙人巖長墅源之陰曲磴盤雲懸嵯覆之下瞰清溪暑月過
此輒有寒意

馬頸崖長墅源崖盤險隘下湧急流康熙間邑人余文梓敗
白頭兵於此曰擊賊崖

南山縣東南四十里橫列如屏上有煉丹臺丁仙崖每當春
月桃花歷亂芳艷如錦又名桃花峯

鋸齒崖縣東南長樂鄉崖峭如鋸齒時或流雲往復其間若
受鋸然有詩曰石齒何齟齬微雲時吐吞霏霏玉屑下吹
徧桃花源

朱崖長樂鄉南山頂崖色如朱不染霜雪蓋純陽地也

木柿崖長樂鄉一在長墅源一在龍船山側其崖參差層疊若木柿然柿音費削下木片也

上董源縣東南五十里由仙關沿溪陟磴溪絕石立壁削度橋紆磴以登及石巷夾壁而入又下磴循澗行有左右橋乃至觀音崖嵌以閣曰觀音閣崖巔奇峯怪聳其旁有穴如簫可窺修江閣前有亭由亭旁入皆平磴行半里許曰仰溪洞兩面崖山林立復入有村落田畝別一洞天又有魚巖乳巖凡洞內諸峯如笋如筆如瓶如鳥獸如屏奇奧怪幻萬態莫狀東南山水第一觀也其洞危壁封固不通人世不知何時始鑿此石巷乃闢其妙云 一名叢雲洞

朱山縣東南五十里空難東岸平壤特起圓爭如珠惟有流眺遠之勝

白雲山長樂鄉上有黎某手書講經臺三大字其麓有龍棲寺沆瀣泉洗心橋

武陵崖在長樂鄉馮志云有石縫尺許望之隱隱籬落村舍不可入如武陵桃源故名崖踞瓜源上董長墅三源之總滙處端嚴絕特勢如倒筵形家所謂芙蓉障者是也緣崖穿莽而上竟日乃得達其巔約四十里許周迴更強十餘里偏西有雙劍石兩石並聳如插劍高二丈餘有雙扛石形如雞卵大可三人抱亦高二丈隔五尺並峙若比肩而扛者又有寶塔石凡七層廣徑丈以次漸殺及頂而銳如砌塔然其高不下八九丈旁縫中畧生草木如瓔珞青翠可愛絕頂三峯登之可望千里三峯卜諸水泛漫滙爲一

處爲瀑布直下五六丈聲如雷俗名濺水洞其勝致殆不勝言焉

瓜源縣東南八十里由瓜倉口入源口有吳王峯俗傳上有吳王墓循溪過馬鞍石釣橋有石壁刻字多剝落隔溪有釣叟石若蒼顏垂視狀磴盡爲瓜圃乃入村落凡十里及合港分東西源由西源至鳳陽山有仙崖崖右有石笋獨立丈許左有石浮屠累級而上中爲仙閣丁仙嘗於此煉丹少左有仙床長八尺廣殺之斜覆以石平展可卧下有崖如龕構殿其間龕後有石竇前有眠龍坡危臨絕壑不可下眎其麓爲篁山山多竹從白石關入有淨明堂李致菴所居藏書甚富今遺散無復存者又鳳鳴山有西瓜寺東崖上人說法於此嘗踏雪下山攜四侍者行吟步武不亂人望之如仙東源則經江家橋至橫琴嶺山形似琴橫一名曬月嶺二源皆深數十里田野繡錯廬烟相望有絃誦之風獨其源口巉岨峭壁關鎖甚固劈石鑿險乃得通焉

以上屬修水南

新增

烏風洞在順義鄉馬山陡壁臨流上有石橋橫亘靜坐聽之寒風凜凜自洞中出

曾巖尖在年豐鄉三十二都界連楚北通邑左有古廟層巒峻嶺上出重霄有石人石船石轎石雀石獸石甃石屋諸勝中出藥物爲類甚多

筆架山在順義鄉三十五都諸峯並矗狀如筆架

黃蓮洞在順義鄉三十五都數峯嶙峋聳出雲表與高洞編
巨源深十餘里茂林蔭翳余姓樵者皆資之出藥百餘種
黃蓮尤佳故名

駝背山在順義鄉三十八都平空突起望之如老人偃僕狀
轎頂山在順義鄉三十七都危巒萬仞間出小峯一個如轎
頂形

石榴尖在順義鄉三十八都寧武之界如石榴矗立天半

香爐山在順義鄉三十五都槎溪雲峯寺前昂然高聳頂如
香爐每當曉日初晴望之有青烟一段縹緲山巔

東山在南鄉形如屏障綿亘數十里

饒塘峯在南鄉峯下有倒插竹一竿鮮茂異常相傳章真人
到此曰此地有百年柴火無百年香火因折竹一枝倒插
而去

掛榜山在南鄉羅溪狀如懸榜故名

牛襖塘在縣南七十里高峯絕頂中有一窩流泉涌出不涸
不溢四季長清

烟墩在南鄉四十都相傳鄉勇嘗在此舉烽火

石附

龍潭石縣西一里怪石瞰潭清波碧影諸山環映浮黛隱翠
爲文人遊玩之所吟咏甚富石上刻隸書龍潭二大字旁
註曲江謝存理宋建放生亭又有水月亭今廢

合石縣西貞女盛善才墓後一夕風雨兩石自合見古蹟

石室黃漣洞峽內有室長廣如厨可藏書相傳仙人藏經處
又洞口流月池旁有石張口納以碑記銜之若舌然

積雪石羅峯下有石獨立高廣丈許潔白如雪

葫蘆石縣西北太平山宮旁石有葫蘆跡見揭曼碩詩

浴盆石在太平雲關外一石盆天然如鑿澗水自注不溢爲章真人沐浴處

石船太平山前數里有菖蒲山皺瘦如穀嶺橫石船巨可容百人首尾昂空相傳章真人所泛

龍門石太平山腰兩崖峙立如門縣尹鄒應元經此嘆爲奇絕有詩見藝文

試劍石縣西北九宮山宋謝疊山有詩鐫其上

樊噲石縣北二十里伊山港口砥柱溪流逆挽而上相傳有壯士如樊噲者徙置於此遂名焉

靈臺石昇仁鄉崖山有石臺卽臺爲寺從石磴繞折而上有泉濺濺自石中出散爲飛雪

文石縣東東渡洲渚間多麗石五色間出大粒小粒磊磊可

愛文人選其尤者注清水養盆爲几上異玩有書生得美

石琢爲硯絕勝端溪今試之堅潤但類歛耳有金帶者佳

仙人石縣東三里旁有沼名青龍沼石上有二足印石黑而跡微白昔有仙人至此觀沼內神龍出沒

巾石縣東巾口丁仙遺巾處見古蹟

破石縣東六十里世傳許遜捕蛟試劍於此見古蹟

以上屬修水北

石鼓縣西南順義鄉有石著山腰如鼓中虛莫測其深投之

以石則蓼蓼然又有石鐘相峙世傳鐘鼓並設皆仙人蹟

琰石縣西南順義鄉雙石對立若琰之相合故名

九條石縣西南百二十里舊傳某兄弟各負其力移置一處數凡九故名其石各重千觔至今尙存

石柱縣西南二百里周迴二百五十步四面削成如柱

雲臺石縣南江陰鄉三卷原霍溪兩水滙合間雙石夾立高丈餘中空處約長九尺廣七尺時有雲氣飛繞水涸時行者多憩於此又旁一石可層級上狀若梯俗呼天梯石

試力石縣南球場有石大如堂高五六丈鄉人多於其下縱石較力

石櫝巖陽山內有崖如人獨立旁有石櫝方正腰露一痕若上下函者其櫝橫置石柱上若柄擎然相傳櫝中有仙經沕石南鄉龜山下溪中有石磊磊皆白色離奇變幻萬態畢具如鏤繪然

流雲石南鄉織女崖下有斜石壁水縈旋變幻如流白雲

三官石縣東南十五里石臨溪旁平展可布席昔傳有三官讌飲於此故名

老蛤石縣東南二十五里修水中崖石纍纍若蝦蟆羣集狀土人呼蝦蟆爲老蛤故名又其間一石如鼓春夏時暴雨衝擊逢逢有聲

獅石長樂鄉西山巔面長壑源石勢危聳

石坪長樂鄉西山之陽環坪梧桂白石交錯深秋花發落葉紛飛清香襲人又曰梧桂林見古蹟

將軍柱長樂鄉南山屹立如柱睥睨重巖

占雨石上董源口每築堰水浸石半有小雨其年不旱

龍船石上董源口高橫山上又南鄉有石船平展可坐百人

鳳凰石瓜源仙崖絕頂聳立數丈如鳳之欲翔者

以上屬修水南

按縣北山自寧州黃龍山過九宮太平逶迤數十里聳鷹觜崖至玉枕山爲縣治其大幹則由昇仁分水均過黃墩起北崖歷瑞昌德安以達於匡廬縣南自寧州毛竹山過朱家山由武陵崖以達於雲居此南北大勢也其餘諸山又別爲支分側出舊志載山之脈絡紛亂不合如鐘鼎在太平之麓乃云自九宮過鐘鼎太平一誤也伊山五鳳皆自太平分也七里山又分於伊山不可越五鳳乃云西界分山爲伊山越七里又越五鳳二誤也武陵山在東南混入東北與丫髻連三誤也大孤不自銀廬分四誤也其他舛謬尤多今悉太云舊志

水

修水源流

修水源出寧州黃龍山流經州治至縣南過建昌達彭蠡以其修遠故名郭璞志曰有水名修有魚名儵天下遙邈此地無憂酈氏水經注曰循水出艾縣而東北經豫寧縣故西安也晉太康元年更從今名循水又東北逕永修縣漢靈帝中平二年立循水又東北注於贛其水總納十川同湊一瀆俱注於彭蠡也按漢地理志豫章艾縣有修水東北入湖又晉書太康有永修縣此註作循譌也永修以修水名蓋自漢中平已立所謂更從今者豫寧縣名也據云東北逕豫寧縣又東北逕永修則豫寧當在寧州武寧之間永修在建昌武寧之間矣修水清潔灘潭明碧可鑒唐

王周詩曰細草濃藍潑輕烟匹練拖邑人盛謨有修水曲

附通志修水源流

寧州修水出黃龍山山與湖廣通城縣連界水行修遠故曰

修江受杏苑水出幕阜山亦連通城百菖水出大湖山武寧鄉水出大湖

廣瀏陽興國州及新昌界東津水出州南東津山洪水灘水灌毛嶺下田三十頃鹿源水

腰帶水出鳳山過州城東受安平水出毛竹山鶴源水出湖廣連界九宮山

及泰安鄉劍口梁溪諸水東北流經武寧縣南合義溪水

官塘源港亦名腰帶水出小洞山魯溪水南受清江出銀山長田出牛

楊浦石錢出嚴山鳳口出三卷山北受茶培出伊山東北受陂田出昇

鄉箬溪出了髻山東受積溪出雙嶺山諸港水東北流以上皆武寧水靖安

城西雙溪水出毛竹山與寧州界一支歷南源諸都東北流達

於追里一支歷中下礮坑達於桐城合流受桃源水出九

石掌灘水東南流抵奉新與馮水合出邑南百丈山龍溪水出

王華林水出華山縈紆西來入之而皆會於修水安義之龍

江水兆州水東陽新徑水合於邑東為三合水并皎源出

峯白武斛源二水俱出靖安界諸水東流合於修水又東北流經

建昌縣南合檀陂水雲居山之楓林西江白沙雲門諸水

東流入之又合珠溪水一名青楓灣漢元和間出明月珠

大如雞子即此達於章江匯於彭蠡星子六溪十八湖之

水入之德安博陽川東南流入之又北為女兒港德化水

入之港口白沙水積初日照之燦然金色曰金沙洲明師

殲陳友諒之卒於洲上是為西鄱湖

按贛水盱水修水合注彭蠡以達於江蓋江西三大水

也修水清潔與贛水匯處黃碧分流清濁犁然武邑為

修水正流奉新靖安安義皆別流支水會合修水也至武寧水道位次通志所載多不合如官塘源港附縣西北在茶培港之下魯溪居縣東北七十里由陂田入修水清江在縣西南八十里磧溪居縣東北在陂田箬溪之上長田楊浦又在官塘港上據水所經當云東北流南受清江長田北受茶培經武寧縣東受磧溪東北受陂田箬溪諸水又清江水當云出瀧溪白石源箬溪水當云出丫髻楊梅諸山姑附於此以待釐正又靖安奉新安義三縣水合稱僚水與修水合於建昌縣下二十里之山下渡省志乃云靖安諸水合修水流經建昌縣南則是二水合於縣上矣亦屬錯誤當云靖安諸水至山下渡合於修水經吳山滙於彭蠡也

縣治水

鶴溪水

舊志作腰帶水

縣治南三十步自官塘源流入城中歷卧象

冠蓋看鶴等橋流入修水

縣西水

南茶水縣西一百三十里源出小流黃鵠礫坑西南流出寧州境內入修水

木潭水縣西源出石城南嶠九宮大岡諸山滙陳橋港船頭灘桑田港遼田港諸水入修水

澧溪水縣西六十里源出果子洞大源洞入修水

下絃水縣西四十里源出太平山經煙港入修水

西渡水縣西七里源出伊山入修水

縣東水

東溪水

舊志作磧溪水誤

縣東門外源出雙嶠山由北透迤而南遶

東門循城而西復南轉入修水今已失其故道詳見水利

志

邑增生劉翔龍監生劉金誥兄弟捐修溪東上下石堤各廿五丈中費小石土堤卅六丈費錢四百五十緡零

羅步水縣東二十里源出磧溪南臯合於雙港流入修水

曉港水縣東三十里源出魯溪雙溪青溪諸山合陂田水入

修水

大橋灣水縣東三十五里源出社林石鏡入修水

箬溪水縣東六十里源出楊梅丫髻山入修水

新陂水縣東六十里源出南園繞太公山入修水

灰埠水縣東七十里源出磨刀嶺入修水

以上修水北

縣西南水

洋湖水縣西南九十里源出寧州桃花坳入修水

清江水縣西南八十里源出瀧溪白石源由馬山繞龍石至

坪下入修水

長田水縣西南五十里源出牛皮洞入修水

白石港水縣西南四十里源出大湖塘經小流會斜港入修

水

修醴水縣西四十里源出大孤山入修水

按舊志載白石港源出小流斜港又云修醴水源出大

孤山大孤載縣西南稽縣西南四十里舍白石別無有

港何得分爲二水若以修醴出大孤別有水名不應云

縣西四十里今姑並錄以待考正

鄧埠水縣西南三十里源出球場入修水

石塘下水縣西南源出洋港入修水

楊浦水縣西南二里源出朱家山巖陽山入修水

縣東南水

鳳口水縣東南七里源出石規三卷匯薊田入修水通志誤載縣北

澆洲水縣東南十里源出梅壠艾壠泉口匯尙書橋入修水

長沙水縣東南二十里源出南冲洞經渡溪董家洞經東邊

瑕匯雙港入修水

潭埠水縣東南三十里源出東源入修水

楮橋水縣東四十里源出西山入修水

中潢水縣東南五十里源出上董源入修水

蜈蚣渚水縣東南五十里源出長墅源入修水

三碛水縣東南六十里源出瓜源仙壇源入修水

以上修水南

前所紀皆水之源流馮志混載諸港今訂入水類其有

溪港在村落舊志已登者另列一類

中村水源東出天尊山西出顏嶺山合流北出與國州龍港

按武寧諸水唯昇仁鄉中村之水北流與國州又箬田

雙河之水西流與國州不入修水特附紀之

溪港

義溪縣西百里源出西港昔有周姓者七世同居故名

櫻田港縣西七十里源出太平山水文披拂如縈纓然

煙港縣西四十里源出石羊洞羅坪春漲則烟水迷離萬狀

龍須港縣西三十里源出鐵矢窩象牙田合煙港至下絃

茶培港縣西十五里源出伊洞由山口又會小洞山水至羅

堰西渡

瀧溪縣西南八十里源出桃樹坳由荷堰迤馬山水文細緻
綺波縈迴里人稱爲秀水嘉慶二十四年荷堰劉姓建一
浮屠

枯槎溪太平宮前荒州若槎春水漲則泛下雲關揭曼碩有
詩

官塘源港源出天竈窟自西水關入城由看鶴亭出東關入
修水

梧榕溪縣北十里源出神童山周天驥讀書時有梧榕落晚
溪句故名

魯溪縣東北七十里源出堰坪相傳魯真人修煉其上溪東
山上有塔

清溪縣東北昇仁鄉水清潔可愛月映如鏡又清溪嚴寒草
木猶青

以上修水北

斜港縣南九十里源出大蕘山下有織女崖崖臨溪溪中有
浣絲盆盆下有縑繭釜水縈迴擾宕如縑絲然旁縣大小
銀缸若相照者又有流雲石如白雲流轉皆奇勝

瓶溪縣南八十里其溪清流瀉注如引瓶然瓶水直趨鑼鼓
洞異響交作相傳爲仙人飲酒樂云

羅溪縣南六十里有象眼石梭石風蕩其際水石相織如羅
文可玩近有拾溪石琢爲硯者色紫紺質甚堅但拒墨耳
白石港陳坊山口中多白石磊磊如星

石鏡港縣南五十里源出嚴陽山至楊浦與龍潭相望映帶

自佳

得月港縣東南三十里源出長墅源至蜈蚣渚林石綺麗得月最幽

迴溪縣東南溪水縈迴崖石盤折波文縠縐可以流觴

以上修水南

按武寧諸水以類詳源流凡與修水會而其中有事跡形勝可紀者皆載入溪類馮志混載諸港至如茶培港官塘港之在村落而無事蹟形勝亦循馮志所編存之云爾

灘

縣西二里曰張家灘十里曰梅瀾灘水瀾簇簇如梅花二十里曰秤勾灘環曲如勾又曰惡瀨灘三十里曰抖擻灘水勢抖擻三十五里曰新灘唐景雲中遷新縣處四十里曰蕪灘四十五里曰牛鼓灘水鳴如鼓五十里曰蘆陂灘五十五里曰渠梁灘又有仙人潭孔沸灘激浪如沸七十里曰高灘又曰澧溪灘八十里曰桃林灘九十里曰影灘又有三斗灘新開灘百里曰瘦狗灘多瘦石又曰斜石灘

凡十七灘
在縣上

縣東一里曰東渡灘五里曰楊柳灘七里曰鳳口灘十里曰

鹿角灘岐石嶙峋見韓子蒼詩又有豬頭灘蒼石昂立二十里曰徐灘二十五里曰西灘灘下有石鼓潭三十里曰車頭灘石如轆轤又有病灘三十五里曰瀦石曲水石縈迴渦蕩四十里曰羊腸灘紆折如羊腸下有墨斗潭五十里曰控灘六十里曰鷺鷥灘水石潔白又有松樹演破石

潭八十里曰三碇灘怪石橫布水中俗呼爲和尚石勢最

險急

凡一十四灘在縣下

潭

龍潭縣西一里潭水幽碧上有盤石立小浮屠見古蹟

磊思潭縣西四十里黃澗洞內石龕覆其上清碧可浴旁有

石刻

狀尾潭縣西四十五里潭水澄湛貢生熊鎮瀾有詩曰灘頭

蜃氣接晴嵐地盡龍沙泐水涵濁浪排空舟楫穩一輪明

月照澄潭

長田潭縣西南五十里淵深難測

仙人潭縣西六十里潭上有壁壁上有二仙人跡

孟姥潭縣西北太平山龍門旁有石覆其上水自懸崖流如

瀑布注潭深碧不測

節婦潭縣南一里相傳戴復古妻投水處有辨詳古蹟

石竈潭縣南五十里潭底有大石竈藏魚漁者從石穴屈曲

入竈驅魚從竈門出其門徑圍二尺如圭竇直上其曲僅

可容一人入

石鼓潭縣東二十里有石如鼓縣修水上潭最深藏竈

大陂潭縣東三十里水碧如苔邑人余弼有詩見藝文

紅巖潭縣東三十里瀆昇仁鄉東西兩河水深不可測東有

紅崖橫亘數十丈水勢至此一曲而西

菖蒲潭縣東四十里長墅源潭有三坎菖蒲環之清香襲人

相傳靖公品茶於此又名其地爲茶瓶澗

下渡潭縣東五十里

龍腹潭縣東六十五里其水澄湛十餘里碧淨縈迴爲一邑

大瀦蓄處

洲浦附灣

縣西南二里有楊浦岸多楊柳晚照最佳十二里有費家洲
洲多美石十五里有饒灣修水縈迴環抱形勢絕佳西北
七十里有石燕洲洲在燕巖前甚廣沃西七十里有團洲
洲團如月春泛自妍西南八十里有清江浦舊名義浦臨
修水平遠清曠兩岸相對溪山秀媚邑勝景也

以上屬縣上

縣南一里有湫洲在東渡節婦潭之間長里許春漲秋月最
佳形如白鷺洲可闢堂閣齋舍爲修水大觀東二里有孟
家灣相傳古有店市直達鶴橋十里有漉洲五十里有鰕
魚洲在墨斗山下水平則見如魚形又其間多鰕魚五十
五里有斜月灣在控灘下潭水深碧灣曲如新月之未絃

者故名

以上屬縣下

新州

詳見雜記

泉井

附池塘

寒泉井縣治左花園裏見寒泉樓古蹟

芙蓉池鄭子通草堂之池芙蓉甚盛時有鴛鴦照水黃山谷
過訪詩曰鴛鴦終日愛水鏡菡萏晚風凋舞衣

縣井在縣治左儀門外久廢又一井在王夫人廟前

北井在縣治北張鎮巨鑿

分司井縣治左舊按察分司門外今存

司前井縣治左舊布政分司側石床有咸淳癸酉清明日建
八字今廢

下清井縣治左舊朝元宮內

孝子井縣治右今儒學門內明教諭朱璣鑿以養親名孝子井泉水清潔道光癸未監生盛學烹重修

泮水井縣治右舊爲儒學今廢

甘羅井縣治右見古蹟

以上在縣城內

東湖塘縣西二十里塘長二里澄碧可泛舟月白風清綺波徐興宛然有東湖之勝

釀泉縣西鐘鼎山旁黃婆釀酒處人飲其泉輒有醉意又有流月池在黃婆洞口形如偃月水自崖注流晶光縈蕩又丹井爲呂巖煉丹處見古蹟

飲羊池縣西建富洞內池廣二三十圍受水數百斛四時清碧不涸周有白痕一線環之池旁石皆怪麗昔傳仙人牧羊引飲於此其羊化爲石蹲伏池口

龍井縣西北太平宮左龜山前又虎跑泉在太平山相傳仙人鞭虎虎伏不能起溢而爲泉一名鹿跑泉揭曼碩有詩見藝文

龍法泉年豐鄉小九宮寺後泉水清潔僧常以竹規引水入厨泉側崖上有龍法二大字旁鐫宋謝枋得題五小字

金蟾泉縣西北一百三十里黃柏寺側山泉清冽鑑毫髮僧以竹引之達於香積其流蔭山田數畝出頓石下邑令萬友正憇此徘徊泉下忽見金蟾浮出俄頃卽逝遂名斯泉以誌其異萬令碑今藏寺內

石壁泉年豐鄉縣崖壁立峻險如削下有小巖清泉澄澄流沒山中不知其處崖上橫鐫石壁泉三字

苦竹泉縣北九十里

黃土泉縣北泉流爲瀑布飛雪濺珠爛然異觀

甘泉縣東北昇仁鄉昔許旌陽捕蛟其徒甘戰插劍於此湧

泉甚甘又曰卓劍泉見古蹟

上泉縣東北六十里利灌溉

分水泉縣東北七十里舊志載其水西流七十里至湖廣興

國州入陽新河

曾溪泉源出巖內龍潭淵深不測至巖口滙爲沼入溪

雷塘縣東北羊腸山頂有二塘俗呼爲公母塘其母塘尤廣

水深碧不涸有魚大者長五六尺時或出遊人不敢取

大泉縣東北北屏山灌田極多泉上下二石巖嵌空而起雨

後瀑布數十丈

青龍沼縣東三里廣六畝許世傳有青龍出沒於沼其旁石

上有二足跡爲仙人觀龍處

湧泉縣東安樂鄉天晦則水上湧旁有寺亦曰湧泉

仰天塘縣東六十里蟠山絕頂廣四畝水澄澈可鑒毛髮莫

測其深中有魚首尾如龍然不常見

劍池縣東井壠世傳許遜磨劍處

以上屬修水北

大湖塘上南鄉大湖山上周數十畝經冬不涸

廉村井南鄉廉村葉進士所鑿

溫泉縣南大蕘山斜港內泉有釜初釜長而狹水自縱橫石

孔出氣蒸如霧銳熱不可探指第二釜圓周四尺許第三

釜稍廣其氣少殺而深處亦難注手二三釜之下有石盆

可坐五六人濯足凡三釜皆澄潔其水澣衣垢能盡煮雞
卵能熟土人往擣雞羹於初釜旁多積毛雖盛暑無穢氣
又年豐鄉道院有溫泉如沸鑿石爲方塘二澣濯者不輟
殷胡塘一名殷鄔塘在順義鄉長二里廣數丈相傳古有殷
鄔二大族居此沈陷爲塘或曰鸚鵡塘

貞公井在柳山柳渾所鑿故從其謚以爲名

石鑊泉縣南四十里見古蹟

虎爪泉下南鄉有石痕如虎爪泉出其中甚甘

鳳凰塘縣南五十里山巔有塘廣數畝塘中峙一小山恍若
蓬島之勝相傳有異蛇大如斗人不敢到

石鍋泉縣東南石壁山頭高千尺壁峭崖懸崖下有石鍋徑
三尺許水自鍋中沸湧而出灌田數百畝極旱不涸

靖公井長樂鄉靖公庵前見古蹟

午河縣東南賓陽岡余弼鑿

石湖塘縣東南六十里方廣里許多魚鯽爲最每春夏或罾
或釣兩岸如堵有泛舟者乘筏者楊柳風生波翻魚躍使
遊者意趣駘宕

丹沼在桃花峯世傳丁仙所鑿

以上修水南

按馮志山水一門缺畧甚多廢本收拾廣矣又於形勝
可采潤綴數語山水之靈頗堪一慰但方位多淆雜名
目多更張令觀者不知所指今訪諸鄉里參閱馮令舊
稿畧爲校正首印山紗帽鶴溪城內井者主縣治也界
以修水者分南北也山則四面自近而遠別道里也水

則兩岸由上而下溯源流也溪港外附潭泉井中附池塘洲浦中附灣各依次編列闕者補之複者刪之舊名須沿者沿之間有新名熟習宜並存者仍以舊名爲冠庶使不沒其實至陰崖窮谷耳目不周攷核未確尙有望於後之釐正云 梁志

武寧縣志卷之六

武寧縣知縣滇南李 珣纂

水利

王道勤民利因天地井里溝洫規方立制武邑山城谷綿川萃修水爲經眾流至蓄洩盈虛旱澇所備隄塘堰陂萬世之利田疇以易天災罔害惟賢司牧經營匪懈通潦疏淤培圯塞隘僻谷羣蒼世仰厥賜志水利

修水發黃龍山至寧州石岐入武寧境木潭水南流注之石

山水出礫坑港趨百灣橋頭合曹坑水茶畬水至蓮塘小

九宮水出温湯合老岡洞水又南岳源水會桑田至下車

木阜洞水與楊新湖水相公洞水合香菜山外趨傳坑口

受大岡源水過遼田西會下車水又西會蓮塘水瀦木潭

出石岐至河潭洋湖水北流注之 源出寧州 又東北遼山人江 黃竹汎水 源出赤岡 南流

注之又東左垵水源出寧義浦水王洞水又晴明寺山水

合流北流至清江坪上下注之又東為漳潭下坊垵水注

之源出赤岡過澧溪櫻川水注之天河山水分流程舍垵

東大源水俱發太平山至大禾田合出由櫻田至神領山

東南流高坪納門山源水出澧溪龜頭入于江

會塢溪水瀦為潭曰仙人潭茅田水源發長田水皮洞經

洞口橋受霧山水過新岑寺受七北流注之又東經石市

里岡水抵受流洞水合流入江

南下弦港水源發太平山流石羊洞過建溪至煙港鐘鼎

社埠合龍南流注之其南涯為白石港小流源水源發小

十羅溪合瓶澗源水經陳坊山從柳山西出江會南鄉諸

水由羅溪繞柳山西注之又東為惡瀨灘抖擻灘灘流過

急舟行至是有戒心焉過鄧埠北受球場水楊港水東迤

北為饒灣一盆鰍水北流注之又東北西渡水伊山水發

產龍鰍處聚大祀石獅蕭竹諸坑水出口過大灣合小

象鼻源水合三賢垵南流注之經七里山合楊浦水朱家

山出葛洲港合烟衡水至橫港口一為龍潭巨石確犖江

發嚴陽山合石獲洞水會橫港出

流嚙之水益暴又東過武寧城南神童山水源發神童山

西關穿城出東流注之又東雙嶠山水繞東關而南雙嶠

東關逆流山由雙板橋出宋家垵合北樓源水繞城而東合城內水

後決由永慶寺入江今水勢將仍故道舊志載源出積溪

山西流注之至湫洲江水分流南為節婦潭北為東渡灘

灘委江流復合又北趨觀音崖楊柳橋水源發桃花尖至

水注之至鳳溪三卷源水源發鳳凰塘出三卷源至長田

之石規山水繞武安山西注之過鳳山南少北瀉洲水源

來會之合流經桐林出

三官石注之又東長沙水注之源出東迤北為梅林埠黃

出下源

陂水出羅溪積溪山水由大塘至雙港東與南鼻山水又

東與冷澁山水會流繞黃陂合棗樹壠水從

水利

羅家埠注之又南為老蛤石石攢蹙離列齒齒相亂與江

水吞吐洄沫成輪舟行避白浪惟謹下為石鼓潭又東為

潭埠合東源水下為瀦石曲抵觀音厓少北過巾市南受

陂田河水南田陂發瑞昌縣新開山至青壁山西折至王

跡山水趨梁上合新坪水廣城水干口水過下硤合太元

觀水過硤頭桐梓塘壘山檀塘諸水西合墳塢源水出大

橋河魯溪洞水出段坪合西流源水與大橋水繞豐樂寺

經下艾受塔前壠水會大橋河水至倉下合張莊坳出梅

厓殿抵三溪此東河水也黃土嶺王希洞水流洞下源由

上北山五泉洞水流下北山合金水出石橋受澗塲水至

青溪分水龍潭水出芭蕉源合路口水至龍埠受楊富坑水

會青溪而下瀦尖碧潭合白洋山水過龍埠受楊富坑水

過坑東口合版石峽出上下新溪水瀦石牛潭由蕪坊抵

蔡家河武陵山上泉水合流長富塢趨羅家港合九樹塢

出洞門下抵蔡家河又聚溫坊源大利坪銅盆坑諸水下

港北殿南納冷家坊南臯山北水北納上坊爛泥坑水河

茅畬納上塘水下侯家灘納鐵索嶺水出法雲寺此西河

水也東蜀西清合流三溪里餘不混三溪者雙溪魯溪青

溪也又受下堡源水繞紫鹿嶺嶺嶺嶺嶺嶺嶺嶺嶺嶺嶺嶺嶺

水出又北大橋灣水一發社林塢流蒿溪一發注之北少

東蔡家埠水源發長墅源分注之又東墨斗山水源發注

之東迤南為涇灘過中潢北龍石港水源出武陵厓徑長

東流注之上洞源水源發上洞源北流注之又北折為破

石潭石四面如削世傳為許旌陽試劍處松樹演水南流

注之源發夫下為箬溪曲池水源發德安縣楊梅山下南

流注之滙為龍腹潭潭屈折十餘里黛蓄膏停沈沈無聲

中受灰埠水源發建昌縣磨刀嶺南園水潭委受瓜源水又東

為三硤灘灘石隱亂流出沒無常綿亘數里水行上下皆

艱又東鰍坑水北流注之源出桃峯西流及上耙梳腦港

灘至河許為建昌縣界凡修水行縣境為灘二十有九為

洲者三為潭者八大小受水三十六其程一百九十里有

水利

七十六

奇

安樂鄉 陂一堰二塘二十七

瞿陂 灌田一百任前塘計十畝灌田宅前塘計一畝三畝

十社林前塘計九畝以上俱在二都三十往背塘灌田一畝

十一門首塘計二十五畝灌田紫石塘計二十五畝灌田西余塘計

二十畝灌田鹿眠塘計五畝灌田門首塘計二畝灌田以上俱在二都

岡頭塘計四畝灌田西盧塘計六畝灌田上費塘計六畝

十空費塘計六畝灌田灌田灌田灌田灌田灌田灌田灌田灌田灌田

塘計六畝灌田門首塘計八畝灌田張家塘計三畝灌田住畔

塘計六畝灌田住背塘計四畝灌田以上俱在二都西灣廟前塘

計八畝灌田庄邊塘計四畝灌田以上俱在六都西灣廟前塘

門首塘計六畝灌田陂裏塘計二十畝灌田以上俱在七都西源古

堰十畝張龍坑石陂堰十畝路畔塘計四畝灌田社

林前塘計七畝灌田長湖塘計三畝灌田以上俱在八都

昇仁鄉 陂二堰八塘四十新增堰二

舍前塘計五畝灌田童子塘計十畝灌田山塘計十畝灌田上塘

計二十五畝灌田黃塘計八畝灌田艾長塘計一畝灌田

二分艾塘計九畝灌田田塘計十畝灌田一畝灌田

十六畝以港北堰塘計九畝灌田田田田田田田田田田田田田

上俱在十都港北堰塘計九畝灌田田田田田田田田田田田田

十畝南坑堰十畝畬塘計五畝灌田屋畔塘計四畝灌田

畝居畔塘計六畝灌田壺坊塘計四畝灌田鄧塘計四畝

十九灌溪塘計六畝灌田江墩塘計八畝灌田門首塘計十

十畝魯塘計六畝灌田但家塘計十畝灌田油榨

塘計五畝灌田以上俱在十二都雷塘計十畝灌田程塘計五

五畝	田四十	上塘	計五畝	灌前塘	計四畝	灌田	中塘	計九畝
頃一十	大塘	計三畝	灌一十六畝	灌田	計四畝	灌田	中塘	計九畝
坂田	計六畝	灌田	新塘	計七畝	灌田	雷塘	計四畝	灌田
畝大塘	計八畝	灌田	東塘	計六畝	灌田	門首塘	計十一畝	灌田
畝陳壠塘	計七畝	灌田	丁塘	計五畝	灌田	山南塘	計七畝	灌田
俱在十五畝	以上	灌田	土陂	計九畝	灌田	以上	俱在十七畝	灌田
都茶培塘	計二畝	灌田	黃塘	計七畝	灌田	梅塘	計三畝	灌田
在十七畝	石堰	楊家堰	田南堰	豐厚堰	許家堰	俱		
八都	魯溪	石硯	一開鑿	龍潭	西石壁	通水	又用	長石條
新增	金修	置	朱筆堰	社盤堰	二堰	新增		
承流	灌概	北鄉	新坡	四堰	十二塘	二十四		
長樂	陂堰	三十八塘	二百畝	官塘	源塘	計六畝	灌田	舒家塘
畝紫陽陂	灌田	一百畝	中陂	灌田	一百畝	大巖前堰	灌田	五畝
口塘	計三畝	灌田	夏家源塘	計三畝	灌田	門首塘	計五畝	灌田
家門首堰	灌田	二百畝	鄒家門首堰	灌田	三百畝	月山上首大堰	灌田	四畝
畝李家堰	灌田	二十五畝	以官塘	計二十五畝	灌田	鷺鷥塘	計四畝	灌田
畝灌田	余坊塘	計三畝	下黃塘	計二十一畝	灌田	楊壠塘	計二畝	灌田
田十畝	竹家塘	計二畝	上黃塘	計三十畝	灌田	門首塘	計二畝	灌田
六畝	風山塘	計四畝	路邊塘	計二十五畝	灌田	過道塘	計四畝	灌田
一畝	艾家塘	計五畝	新田塘	計三畝	灌田	艾家邊塘	計三畝	灌田
畝三	楊坊塘	計一畝	以上	灌田	二十五畝	龍鬚口塘	計五畝	灌田
計一畝	湖子尾堰	灌田	上冲塘	灌田	二畝	三賢堰	灌田	三畝
田十五畝	俱在二十畝	以上	烟港塘	灌田	二畝	建富橋頭	灌田	十畝
堰十畝	盤山嘴堰	灌田	社埠堰	灌田	六畝	牛車堰	灌田	十畝

武寧縣志 卷六 水利 五

計三畝灌田一十四都徐家塘計五畝灌田二十畝雷打石堰

馬頭上堰黃渚潭堰黃婆腦堰羅橋港丁家堰

何家潭堰塔下堰鷺頸嶺崖下堰沙坵堰以上在

都盧坊堰洞潭堰以上在二茶溪堰陂頭堰舊在二

今移二都周家堰甫田坑石堰以上在二上社埠崖堰

坪下堰甫田坑橋杓堰里新塘葛蒲塘以上在

年豐鄉陂十六堰十四塘十二

局頭牛車陂灌田九朱張堰孔家陂灌田八曹家陂灌

四十三江陂灌田七曹坑中陂灌田泉陂灌田三百畝以

畝斜塘計三畝灌石下堰以上在二胡師塘灌田五烟塘計

畝灌田王堰漫坑堰中堰崖下堰馬欄堰摸

堰青陂堰排陂堰張家堰箬壠堰社陂堰以上

在三途陂灌田一千清陂灌田三上清陂灌田二頃東坑口陂

灌田一六源嶺出水原泉塘計二畝灌田六十畝桑陂灌

三畝大黃陂灌田八老田程家下首堰灌田三塘山塘計

十畝灌田久堰灌田二百砂田港堰以上俱在陳陂灌田

二百畝陳橋大陂灌田一會塘計十畝灌田一頃楊坑塘有宋大

碑立松木塘硃砂塘渭坑塘丁坑塘茶坑塘

順義鄉陂十一堰二塘九

盧陂灌田二灣塘計三畝灌郭山塘計二畝灌泉井塘計

畝灌田一十畝以泉塘計一畝灌牛皮洞口陂灌茶墩東

上俱在三十四都石鐘泉堰西岸苔溪堰以上俱在大塘計十畝灌

計十畝灌田東山塘計十畝灌田殷胡塘計四十二畝灌

一頃九十畝東山塘計二十七畝灌田二百五十畝

苦山塘 計十畝 灌田 龍石西陂 張家陂 松樹陂 俱以上
 三十 涂家陂 灌田五 六官陂 灌田四 五石陂 灌田六 一高
 七都 陂 田七 二大田陂 灌田八 三嶽州陂 灌田九 十畝 以
 上南鄉 陂 九堰 五塘 四

官陂 灌田一 黃絲港陂 灌田三 宅裏火燒陂 灌田三 黃家
 灣陂 灌田七 畝 以 濂村官堰 灌田數 車頭陂 灌田百 畝 外
 庄陂 灌田十 畝 以上 羅溪蔡家源塘 計三 畝 灌 平原均

背官塘 計三 畝 灌 李家源官塘 計三 畝 灌 桐坪塘 計一 畝
 田十 畝 以上 俱 石嶺灣陂 灌田十 畝 田十 畝 灌 山下陂 灌田十 畝 在
 四十 都 二圖 桐樹灣陂 灌田十 畝 都 一圖 在 九條石堰 柏木莊堰

竹山下堰 車田堰 餘畝 田百
 下南鄉 陂 六堰 五塘 十二新

周家堰 灌田三 楊田塘 計十五 畝 灌 早陂 灌田五十 畝
 三 磨源陂 灌田百 小洋陂 灌田四十 畝 都 一圖 以上 俱 大水墩新

陂頭堰 灌田十 磨源太保堰 灌田六 李家源塘 計九 畝 五 分 桃
 林塘 計五 畝 灌 下費洲塘 計八 畝 灌 費州塘 計二 畝 灌 上
 月田塘 計入 畝 灌 中月田塘 計五 畝 灌 下月田塘 計十 畝

十二 白汀堰 計十 畝 灌 田百 畝 以 橫港堰 灌田十三 畝 都 二圖 在 四
 歷林陂 灌田一 會茶州草塘 計二 畝 灌 湯公嶺下官塘 計八

畝 五 分 灌 田八十 畝 石鑊港陂 灌田十 畝 球場塘 計六 畝 五 分
 以上 俱 在 四十三 都 鐵甲堰 灌田五 畝 都 茗溪

堰 沙堰 實菴陂 黃坊大塘 小塘 以上 俱 在 上
 新塘 下新塘 在 四 十 姚家堰 灌田四 百 畝 承

江陰鄉 陂 十 堰 入 塘 十 四

武寧縣志 卷六 水利 七

石陂 灌田二百畝 源口陂 灌田一百五十畝 鄆牙陂 灌田十畝 洪崖堰 灌田五畝

白干桐 石峯陂 灌田三十畝 裏崖陂 散灘陂 灌田十畝 五頭

林田 灌田一百畝 石陂堰 灌田八百畝 楊陂堰 即黃沙堰 灌田十畝

秋塲塘 計四畝 灌田一畝 濁水塘 計八畝 灌田二畝 大冲塘 計四畝 灌田七畝

以上俱在荆堰 千餘畝 鹿州頭塘 計三畝 灌田二畝 項二十五畝 灌田八畝 西殿

塘 計三畝 灌田一畝 嘲田塘 計三畝 灌田二畝 項二十六畝 都黃沙塘 計五畝

在四十七都 荈林塘 計八畝 灌田五畝 山口陂 灌田二百畝 南冲陂

灌田一百畝 鄭家陂 灌田二百畝 鄭崖堰 灌田十畝 大陂堰 灌田十畝 南

冲楊樹下堰 灌田十畝 分山塘 計五畝 灌田十畝 車頭塘 計五畝 灌田三

畝 石鼓塘 計九畝 灌田十畝 西冲塘 計七畝 灌田十畝 東源塘 計九畝 灌田八

在四十八都 大塘 灌田十五畝 在陽陂堰 在四十六都

長樂鄉 陂十七堰 十五塘 十八

張家陂 灌田一百畝 毛家陂 灌田一百畝 余家陂 灌田一百畝 長水源漿

陂 灌田二百畝 桐坑陂 灌田二百畝 大陂 灌田三百畝 梅家陂 灌田三百畝

畝 黃陂 灌田二百畝 高壠塘 灌田十畝 邢家邊塘 計三畝 灌田二畝 新庫

邊塘 計四畝 灌田十五畝 黃柏冲塘 計十畝 灌田二畝 山口塘 計五畝 灌田五畝

嶺下塘 計四畝 灌田四十畝 下房塘 計六畝 灌田四畝 七十四畝 大洪陂

灌田一百畝 上董口陂 灌田一百畝 樟樹堰 灌田二百畝 樓下堰 灌田二百畝

盧家堰 灌田一百畝 何家堰 灌田一百畝 蔡港堰 灌田一百畝 黃水塘 計

畝 灌田十五畝 羅冲塘 計三畝 灌田三畝 粟田塘 計三畝 灌田三畝 山田源

塘 計三畝 灌田三畝 下鄆邊塘 計三畝 灌田三畝 俱在五十畝 大注陂 灌

一百畝 鄭家陂 灌田三十畝 潢水陂 灌田四畝 瓜畬陂 灌田三畝 蛇鱗塘

計三畝 灌田三畝 蓮花塘 計二畝 灌田二畝 俱在五十畝 大汪塘 計三畝 灌田四

畝 熊氏堰 灌田五百四十畝以上俱在五十三都 茅岡塘 計十三畝在五十都
 李家冲塘 計四畝灌田二十一畝 港下堰 灌田四百畝上俱在五十二都 申陂堰
 烏石堰 沙灣堰 唐家堰 麻井堰 楊家堰 和
 工堰 太康堰

武寧縣志卷之七

武寧縣知縣滇南李 珣纂

學校

圭璋天寶成以人功帝王造士於學之中我

朝重道惟儒是崇選賢俾乂四海攸同席衽得所餽廩恒
豐卧碑慎始

聖訓要終勸懲良切去取則公武雖小學大啟黌宮菁莪化
遠文教敷通可絃可誦樂育無窮志學校

宋紹興十一年邑令謝鐸 林志作謝鑑 始建大成殿於縣治之

東 今城隍祠地 又立講堂曰勤思置四齋曰譽髦曰升俊曰

拔萃曰賓賢隆興初知縣吳彥夔於講堂後為足才閣
以藏書

元初於武寧縣設寧州學屬於州後以分寧為寧州武寧屬隆興總管府縣學復設至治間縣尹李洪濤呂天倪典史刺馬丹前後修葺訖工於泰定元年范梈記至正十二年土寇張普獻陷武寧城學燬

明洪武五年知縣馬植建彝倫堂左右建二齋曰日新曰

時習三十一年知縣周鑑建學署及諸生書室廩庖

涵永樂己丑知縣陳鑄增修縣丞鄭觀乃廣講堂之規

知縣施大有縣丞賈榮主簿婁楷相繼葺治江振記成

化六年知縣黃雋以學宮湫隘請遷於縣西延恩寺故

址邑人徐礪捐金張文獻捐地提學夏寅記十九年知

縣馮琦重修宏治十八年知縣毛騃建文明閣於學後

正德十五年知縣陸浚復遷於縣治西之城隍祠疑神

前巷地方舒芬記嘉靖三十三年知縣黃一鵬重修隆慶六

年知縣胡東陽建彝倫堂於右建五箴亭於左又建廳

曰立教建樓曰青雲閣溪南路曰青雲街為玉印橋以

通之崇禎九年督學侯峒曾允諸生請復遷縣治東即

城隍祠地

國朝順治二年闖賊餘黨入寇學盡燬知縣任天祚議修而

守將鄧雲龍從亂天祚解印綬去不果六年署縣令夏

遵虞草創之規模畧具康熙三年知縣馮其世捐修悉

完舊制五十七年知縣董大呂復修邑人盛際斯記按

志載知縣雍正元年知縣廖科齡請遷學於縣西城隍

祠地仍徙祠生員陳亮彥張應遴董其事三年告成知

府張景偉記教諭朱炯建教諭署於大成殿東乾隆三

年貢生盧大舉呈請建尊經閣於彝倫堂後捐費二千兩規制大備教諭彭錫珩督修布政司彭家屏記十二年教諭彭錫珩建三益軒於學署之南二十三年大舉子生員盧迪兄弟以尊經閣朽壞重葺之二十五年知縣包必明允諸生請遷屏牆於外圍徙戟門於屏牆故址疏扶鶴溪為外泮教諭蔡錕記時玉印橋久廢監生翁顯祖之父維品捐修教諭歐陽博記三十四年大舉子盧琮兄弟重葺尊經閣四十四年知縣梁鳴岡允紳士請與縣丞許達相度地宜區畫規制遷學署於崇聖祠左遷彝倫堂於學署故址建魁星閣於大成門左距彝倫堂數武擴儒學門於縣署之右建品字坊於內屏

悉玉印橋距故址數武隔溪建外屏長丈餘四十七年四十都公買民房一所自請修理以充學署

彝倫堂嘉慶二十四年長樂鄉監生李鼎之子雲青移前數丈捐建

學署頭門內石板路道光三年年豐鄉鄒登潮捐修

頭門內左右坪彝倫堂前左坪監生李蕃碩條石修城

學署頭門外孝子井道光三年坊市監生盛學烹重修

儒學正齋嘉慶二十四年邱姓眾移前數丈捐建其頭

門道光三年四十都捐修

舊鮑公祠在縣治東為儒學副齋所居頭門並左右廡

房嘉慶二十一年坊市進士張富業監生林中桂合建

前重嘉慶二十四年坊市黃定鳳叔姪合中後重嘉慶

二十四年長樂鄉監生盧逢意捐修後重

學校條規

順治九年題准刊立卧碑置於彝倫堂之左曉示生員
朝廷建立學校選取生員免其丁糧厚以廩膳設學院學
道學官教之各衙門官以禮相待全要養成賢才以供
朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非
爲者子既讀書明理當再三懇告使父母不陷於危亡
一生員立志當學爲忠臣清官書史所載忠清事蹟務
須互相講究凡利國愛民之事更宜留心

一生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人之
事者徃徃自殺其身常宜思省

一生員不可干求官長交結勢要希圖進身若果心善
德全上天知之必加以福

一生員當愛身忍性凡有司官衙門不可輕入卽有切
已之事只許家人代告不許干與他人辭訟他人亦不
許牽連生員作證

一爲學當尊敬先生若講說皆須誠心聽受如有未明
從容再問毋妄行辨難爲師亦當盡心教訓勿致怠惰
一軍民一切利病不許書生上書陳言如有一言建白
以違制論黜革治罪

一生員不許糾黨多人立盟結社把持官府武斷鄉曲
所作文字不許妄行刊刻違者聽提調官治罪

康熙四十一年

御製訓飭士子文頒行直省各學

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒教罕著雖因內外臣工奉行未能盡善亦由爾書生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有序爾諸生幼聞庭訓長立宮牆朝夕誦讀寧無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨勿齒縱幸脫褫扑濫竊章縫返之於衷寧無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頒茲訓言爾等務

共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之

乾隆五年

欽頒太學訓飭士子文

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無俟於汲汲爲也是以至於惰遊而不知反終身不能有志於學而君子以爲非士之罪

也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以為學則將有欲罷不能者矣觀朱子此言洵古今通患夫為已二字乃入聖之門知為已則所讀之書一一有益於身心而日用事物之間存養省察闡然自修世俗之紛華靡麗無足動念何患辭章聲譽之能奪志哉况即為科舉亦無碍於聖賢之學朱子云非是科舉累人人累科舉若高見遠識之士讀聖賢之書據吾所見為文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言即是科舉中為已之學誠能為已則四書五經皆聖賢之精蘊禮而行之為聖賢而有餘不能為已則雖舉經義治事而督課之亦糟粕陳言無裨實用浮偽與時文等耳故學者莫先於辨志志於為已者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切為諸生言之俾司教者知所以教而學者知所以學

考課

明洪武初設教諭一員訓導二員二十四年定訓導位雜職上二十六年定學官考課法其弟子員府學四十名州學三十名縣學二十名給廩膳免二丁及差徭等令增廣生員不拘額數宣德三年定增廣生員縣學二十

名照例優免正統元年以生員學藝疎淺置按察司僉事一員提督通省學政專考校考其文優劣而進退之三年大比科取生員入場仍分等第優等錄送其官員軍民之子弟及社學俊秀無過犯者考取入學充附小學歲科取進不滿二十人

國朝順治初沿明舊制教諭訓導各俸銀三十九兩薪銀共二十四兩廩生各廩銀六兩膳夫銀共四十兩科歲取進小學或十餘名或二十名十三年始定小學取進十二名十七年更定取進府學二十名大縣十五名中縣十名小縣五名康熙元年題准直省提學三年內止試童生一次三年裁革教諭訓導各一員復設訓導一員

額編俸齋銀及生員廩膳銀詳田賦志十二年仍行歲

科兩考正額照定例十五年復設教諭二十二年定額小縣取進八名武童照文童例取進六十一年欽奉

恩詔各省加取童生一次大學七名中學五名小學三名雍正四年欽奉

上諭學政任滿將生員中實在人品端方有猷有爲有守之士大省舉四五人送部引

見考試酌量擢用或入太學謂之優貢五年欽奉

上諭知州知縣會同各該學教官將府州縣之貢生生員內居家孝友行止端方才可辦事而文亦可觀者秉公確查一學各舉一人於今年秋末冬初申報上司奏

聞請

旨其或僻遠中學小學實無可舉者令知縣教官出具印結該

督撫查實奏

聞十一年欽奉

上諭朕敦崇實學諭旨屢頒宜有品學端醇文才優贍枕經蒞史殫見洽聞足稱博學鴻詞之選著督撫會同該學政悉心體訪遴選考驗保題送部轉交內閣朕將臨軒親試優加錄用時各學諸生皆得應舉乾隆元年給各學教諭訓導全俸詳田賦志欽奉

恩詔加學額一次小學加取三名六年酌定樂舞生一百二十名除丁祭仍用藍衫雀頂外其常服帽頂用銀盤起花銀頂不得僭用

嘉慶元年欽奉

恩詔加額一次小學加取三名嘉慶二年欽奉

恩詔加額一次小學加取三名嘉慶五年欽奉

恩詔加額一次小學加取三名道光元年欽奉

恩詔加額一次小學加取三名元年又欽奉

恩詔加額一次小學加取三名此次加額至道光三年歲試舉

行

學田

宋隆興初知縣吳彥夔增置學田以養士淳熙間縣丞楊芳計學租多寡操其奇贏以備祭器

明萬歷四年知縣胡東陽勸諭耆民葉坤韜輸田五十畝黃國仕獻田八畝盧懷元彭元慶各以所匿桑棗園相率入於學後以耕佃豪猾逋租當事者倡而輕市之得價五十八兩八錢貯庫所存惟水口王進禮獻田壹十

四畝六分先年告贖以田頗腴申詳學使不准贖還萬
歷三十年署縣瑞州通判施大經又將存庫學田銀及
缺俸缺廩銀置買腴田以贍諸士歲久莫考前田悉爲
豪右兼併惟天啟中生員陳國士獻昇仁鄉溫坊田二
十畝尙存後奉檄售價繳解而學田無復存矣

國朝學田久廢 雍正八年教諭揭達查出順治年間民人
萬列捐土名杉茨嶺梯子橫高塋下又土名桑棗園共
田一十五畝三分卽康熙三年平圖丈冊內所載學田
三十七號共正米八斗六升七合零又土名白天嶺田
一號計一畝二分又地基三分正米七升零又土名下
溜學地一片十畝四圍亂石塋爲界久經荒蕪此皆清

人學內者

乾隆十五年教諭彭錫衍行訓導羅大左司

禮生價買尙書橋上首田六畝共五號租付禮生收因
歷年租項難清乾隆五十二年生員張鳳英等將尙書
橋田賣與余作霖轉買北鄉二十三都土名楊樹隴李
炬初田四畝正米二斗八升監生盧景獻土名鳳口彭
牙壠田五號塘下喻姓門首田一號塹頭田一號共田
五畝八分正米四斗零六合 乾隆十八年監生盛賡
詠自呈爲故兄盛賡終獻土名鳳口文家隴并坵田三
畝計二號又土名沙田黃家社田一號計二畝共正米
三斗九升六合又本年生員盛大逢監生盛大猷自呈
其父盛士淙獻土名鳳口胡家下首田三畝六分計六
號正米二斗五升二合又生員張一飛一鵬兄弟獻土
名宋家塢田四畝計七號正米二斗八升 乾隆十九

年儒童李達朝兄弟先獻楊梅潭田四畝一分因歷年無收其子殿志於 乾隆四十八年易土名三賢墩田

四畝一分計七號正米二斗八升七合 乾隆二十五

年教諭劉秉亮訓導晏君掄查出民人崔成鰲原獻入

社學田土名月田虎山下田五畝三分內得田一十九

號正米二斗九升又教諭蔡錕查出土名虎山下尾田

八分計八號塘一口正米四升三合 乾隆三十一年

吏員林二存自呈遵祖世俊遺言獻土名姚家墩田四

畝計四號正米二斗八升 三十四年監生羅彥自呈

其父貢生九章遺命獻土名南渡規頭揚旛桃塢塘田

四畝七分計九號正米三斗二升九合 三十六年民

人黃賢鳳妻段氏獻土名雞頭兼同莊田四畝五分計

四號正米三斗一升五合 四十七年儒童朱國祥全

姪在澗自呈遵父朱公玉命獻夏坊四方塘畔水田一

號四畝正米二斗四升 四十八年羅墩陳容照自呈

遵祖彥文命捐土名洪坑楊樹壠水田四畝二分十二

號正米二斗九升四合以上共田六十九畝七分一百

二十八號地三分塘二口荒地十畝共正米四石六斗

二升九合入儒學輸納

社田舊志載土名月田虎山下田五畝三分四十一號地

三片計三分破號塘三分崔成鰲獻今田塘俱已查出

惟地三分不知所歸又土名箬溪內田三畝八分民人

梅大齊獻 乾隆四十四年合邑紳士盛大猷汪應達

費冠武陳毓江汪仲仁等獻學宮門首基地一片

新增

凌允元嘉慶二十一年遵祖鳳鳴遺命獻土名磨下中墩
水田二畝艾姓屋側二號計七分下首一號六分圳背
一號七分正米一斗四升

封職張紹璣二十五年爲子生員張向辰獻土名羅橋港
水田四畝下墩曹里一號七分連下一號三分勘下一
號八分又連一號三分連勘下一號八分當壠一號七
分連勘下一號四分正米二斗八升

舉人盛勳道光二年遵祖士桂遺命文童盛賡階又遵父
生員學黃遺命捐羅家山田六分樟樹下田八分又相
連秋地一號計三片又田一號二分地一號計五片相
連有私塘二口連前八分北門墩田一號計八分正米
二斗一升九合

下南鄉陳志緒遵父儒童洛書節母萬氏命獻土名嚴陽
山流坑水田二畝五分計七號正米一斗四升

王吳氏盛吳氏龔吳氏道光二年遵父士清兄開祥遺意
合獻土名潔橋上田二分又田五分又田三分俱石堰
灌蔭又田八分又土名沙田中洲田二畝又田三分姚
家堰灌蔭正米二斗五升二合

姚石氏道光三年遵夫華在遺言命男國山捐獻嚴陽山
流水坑水田二畝五分計十號正米一斗四升

貢生蘇遠云道光三年遵父職員世章遺命獻田三畝三
分伊兄職員光綬獻田三畝七分土名舒家墩共七號
計七畝正米四斗九升

邑庠黃鷹羽獻土名大嶺下田三畝二分王株塢塘下相連十一號正米一斗五升四合

安樂鄉職員鄧載芳遵節母氏張遺命捐獻二都土名毛家壠水田三畝一分計十號正米一斗四升

文童蘇光綬遠沐全姪全相以伊兄廩生蘇光縉意獻土名下羅墩田相連三號計一畝五分又梅瀾田一號一畝三分正米一斗七升五合

生員王維齡叔姪遵父監生王子笙遺命獻土名老虎井口田三號計一畝八分圳邊田一號計二分正米一斗四升

監生王定祥遵父王靄雲遺命獻土名黃連坑口田一連四號計二畝正米一斗四升

城市黃熊氏遵夫耕雲遺意命男監生兆泰獻土名梅林埠大洋洲地八號計八畝科糧六升一合

上南鄉童生葛盛鑰秉和盛鑑遵父監生方泰遺命獻土名黃土墩田租一石五斗又四石五斗每歲自行清租

上南鄉葛龔氏遵夫盛錦遺意命男德求獻土名黃土墩田租六石

道光十九年職員黃家泰監生黃兆泰契獻土名大嶺下等處水田二百三十一畝三分三釐歲額租穀四百零

二石有奇新折租錢三百九十二千二百五十七文除修理庄屋塘堰開銷外實有錢三百八十二千二百五

十七文公議將此項歸歲科兩試文武新進花紅衣帽之費業已具呈前令王師道轉詳各憲批准存案後諸

學校

童願將全租轉獻正副兩學徵收爲日後歲科兩試文武府縣新進束修贄儀并隨小在內各鄉又捐入文光祠田租二百零四石內書斗催租工食二十四石俱繳入學以補束修之不足其大比間年之租補歲考武童之項復呈前令張炳堃移學存案刊碑以垂永久入府學者其束修只照黃姓所獻租數除完錢漕外按名分派由縣學師親爲交付並經稟明 府學存案

計開土名大嶺下田一百三十一號計五十六畝四分地一十六片塘九口山二嶂庄屋二所又土名坳頭墩頭堰水田一十八號計一十三畝二分內有塘田一畝五分又土名鳳口堰堰水田三十六號計二十畝零九分八釐地八號又土名黃土堰堰水田三十九號計三十六畝八分庄屋一所又土名下堡堰堰水田六十八號計三十二畝庄屋一所菜園一隻秋地四片山一嶂塘一口又土名大冲裏田六十六號計三十四畝二分地十六片山一嶂塘五口又土名坳頭坪葉家壩塘堰水田六十三號計三十七畝七分五釐地二十三片山二嶂塘五口庄屋二所大共田二百三十一畝三分三釐地六十七片塘二十口山七嶂庄屋六所契價錢三千二百六十七千文歲額租錢三百九十二千二百五十七文科糧一十五石五斗九升

城市監生黃心泰全姪童生士俊士偉遵伯父儒童雲窓遺命獻土名王株樹下降上彭下壠田十三號計六畝七分又鳳口堰車坑里田二號計八分科糧五斗二升

五合歲額租穀十石自此以下均由賓興會獻

城市增生劉翔龍全弟監生劉金誥遵父監生承緒遺命

獻土名和尚腦田大小十三號計十畝庄屋二間科糧

五斗三升三合一勺又磨下墩龍船坵田一號計一畝

科糧七升歲額租穀十石

城市監生雷恒振遵父監生秉春遺命獻土名鳳口田七

號計二畝三分又礪里田計二畝八分科糧三斗五升

歲額租穀十石

昇仁鄉聶性金兄弟獻土名合掌墩田三號計三畝五分

科糧二斗八升歲額租穀十石

上南鄉監生葛方扶職員方持遵父 誥授奉直大夫

懷星遺命獻土名球場菜坑口田四畝五分又打石塢

田五分科糧三斗五升歲額租穀十石

上南鄉文童葛盛鑾遵父邑廩生方拔遺命獻租穀十石

首事職員葛方授經理

北鄉二十七都獻土名觀音閣韋家壠屋上首田二號計

二畝七分又西界勘上田一號計五分科糧二斗八升

歲額租穀十石

北鄉二十三都獻土名田盤壠田七號計四畝七分科糧

二斗八升歲額租穀十石

北鄉二十五都文會獻租五石 其田在塘頸相連三號計二畝科糧一斗四升

北鄉二十六都文會獻租五石 田在渣坑連三號又五號共計二畝科糧一斗四升

順義鄉獻土名觀音閣田三號計四畝地一片科糧二斗

八升歲額租穀十石

下南鄉獻租穀十石每年劉維德自行清租

生員舒化鵬獻租十石每年自行清租

年豐鄉成甫衡獻租十石每年舒化鵬兼承清租

江陰鄉翁煥廷獻土名八都璩坊硃子壠田二十五號計

八畝三分塘二口庄屋一所計三間科糧三斗五升歲

額租穀十石

以上共租穀一百四十石由賓興會轉獻歸學

九鄉公獻土名觀音閣田三號計四畝地一片科糧二斗

八升歲額租十石又土名朱家山田數號科糧五升六

合歲額租四石又監生湯舉尹獻土名白石匣漆樹塢

口田五號計五畝科糧三斗歲額租十石

以上共租二十四石公議給門斗每歲催租工食

長樂鄉文會獻租二十石每年會內首事經理

安樂鄉文會獻租二十石每年會內首事經理

社學

明初勅天下郡邑每鄉里咸建社學選名儒以教民間子

弟天順八年知縣余希賢始建義學九所其在鄉者不

可考在縣者一一建於東門內一建於西門內甘羅坊

歲久俱廢萬歷間知縣張應徵於布政分司廢基內建

房屋數十間中廳一所左右為社倉中間為社學久廢

今以其基為武寧營署

興賢社學在安樂鄉王典謨之妻張氏捐田捌畝監生翁

顯祖叁畝陸分監生張文亮貳畝叁分石德音貳畝舉

人余鳴珂壹畝伍分石遇良壹畝貳分余振濤壹畝貢

生翁藻蘭地叁畝山壹片俱癸丑年二契買受土名董家

灣共田拾玖畝陸分地叁畝山壹片計壹畝伍分莊屋

一所後又置田伍畝柒分內李華春捐錢十二千文
恩職余仁璉捐錢八千文

梅崖社學在昇仁鄉十五都監生余翹凌余克昌獻學堂

一所併基佑田拾畝職員張維藩伍畝夏紹初叁畝理

間張景春例貢余芳聯各貳畝夏光俊子若平玉冰合

捐叁畝劉獻元貳畝肆分職員張拜賡庠生張廷棟各

壹畝伍分例貢余熾夏惟三夏顯陞各壹畝貳分劉醒

泉段慕陶劉海碧夏馭魯余榮門余地書監生余翼雲

余一彬余凌雲余圭職員余煇夏琴泉夏質禮夏泰靈

余惟觀李貴才林梧公余浴泉余愛泉
位宰林達山李貽騰

俱各壹畝辛生畢文矩畢汝昌夏光志夏光亮夏成五

余本洪余士碧陳理學陳應秋段蔚堂余蘊章余慶雲

余元儼余昂臣共田七畝張陞嘉貳畝張宣五壹畝

卜社學北鄉二十三都紳民捐建劉六臣捐田貳畝伍分

李敬輝杜學涵林樂善俱各壹畝潘道英壹畝叁分鄭

禮恕劉宇峯潘岷山劉占春談慕崇俱各壹畝

正風社學在北鄉二十五都紳民捐建黃東雲湯錦松共

田貳畝壹分黃斐然潘永齡各壹畝又二十二家各捐

共錢伍拾陸千文姓名難列公置田貳十八畝

翼堂社學在北鄉二十七都紳民捐建方延鏡田叁畝叁

分李杏榮貳畝玖分楊託公貳畝貳分楊坦懷貳畝劉

欽尚壹畝柒分劉獻在李受添各壹畝貳分方永蕃壹

畝以上八家
經公首捐焦登孔陳蘭芳各叁畝徐侶臣貳畝李修

永壹畝陸分盛馥李樹野各壹畝伍分翟顯志壹畝貳分盛儔伯壹畝陸分陳值三華柏永郭運隆各壹畝項南山叁畝藍兆禮壹畝伍分張澗南李輝廷劉有芳各壹畝黃孔盈壹畝貳分余會元余友琴楊次珍各壹畝已上節年都問樂捐又四十八家各捐共錢壹百陸拾千文姓名難列俱節年都問樂捐將田易價今實置有田肆拾陸畝玖分長樂上中下墩共田拾伍畝叁分貳拾玖號上青中墩共田拾貳畝肆分柒號西市卸嶺上田肆畝壹號又五顯殿前螺墩下共田捌畝柒分貳拾捌號煙港上店共田伍畝叁分肆號太平上墩塘下田壹畝貳分壹號

城市西南社學共置田叁拾畝零貳分

城市東北社學張南中堂捐田伍畝伍分潘恒堂伍畝鄭

日休堂壹畝柒分鄧焯堂壹畝肆分張妙環壹畝貳分

以上舊捐潘六成張度閑各二畝鄭企代鄧晨迎潘補拙堂

各一畝以上新捐

城市下坊社學新捐黃森移伍畝張庸德四畝劉韻珊三畝

關秀社學在年豐鄉遼山之麓膏火田叁拾捌畝伍分本

鄉文會公置

振興文社在江陰鄉四十八都都人萬象玠於嘉慶十三

年捐腴田數畝邀同都人各捐田畝聯成文社共計田

十八畝塘一口糧在本都萬廷興戶完納歲收租穀支

給膏火考費

文孝社學在上南鄉羅溪葛鏡崖捐田租三十石封職懷

星捐田租十七石六斗耀庠捐田租十二石塘半口鄉

賓監生華祖捐田租七石七斗五升貢生方振捐田租
 四石潤止堂捐田租四石堅宇捐田租四石暢園捐田
 租三石監生懷珍捐田租二石監生效洪捐田租二石
 監生向榮同姪嘯堂捐田租一石暢園自亭捐錢二十
 千文學蘇蔚南五仁堂宇和昌園積吾定光醒懷貞元
 翠穀竹溪明涯耕雲篤材先疇邑庠曉星竹軒共捐錢
 九十七千五百文置田租八石六斗五升柯嶺庄屋東
 頭齊龍口直出一半菜園一隻餘基荒田在內

上南鄉社學公置土名下南墩田三畝七分五釐下家墩
 八分燕裏八分洞下四畝港口堤外南墩二畝八分程
 家墩一畝四分二釐樓前下首汪家屋背并屋場裏一
 畝五分墩上屋廩并門首大路下共一畝七分方家源

并蛇形嘴二畝倉下下首井坵一畝二分共計九十三
 石監生葉慶雲捐田租十三石監生黃光捐田四畝書
 院分歸范稠源田八號計四畝額租錢七千四百文又
 學田二十畝零六分五釐又一二圖附置惜字會葛勉
 仁捐租八石葉搏九定孚石和鈞希全衢九艾維門
 施集君葛玉堂叶中賚卿敦紀柳門春臺直坡襄臣希
 伯克莊宏聲佐朝申甫欽文日高盛恕澄修佩和文藻
 德求魏秉心英三鼎臣克卿劉直云陳象賓李德新鍾
 石孚共田五十六石

每歲置送字篋收買殘書外寧州查竹溪宇春韓廣字捐項另註簿

順義鄉學公置官田中段田二畝八分下段田五分流源
 壠口二畝二分連鶴塘社背八分霧山七分乾山上五
 分大坪巷古子嶺橋畔八分斜山下狐狸岩十二畝九

分大坪巷地二畝陳世馨捐田八畝三分謝祖春捐田一畝六分范鼎文捐田一畝二分陳彥或周靜明章蒼亭章捷山周夢鯉汪翹元胡滙涵陳滙淵余桂華范廷元楊景波楊象廷余碧軒各捐田一畝仰映星雲軒合捐田一畝置江西省城中大街射圃亭試館三進店三間道光十九年稟 縣憲羅批准存案給示勒石永杜典賣以垂久遠

海航社學四十二都鍾帝拔捐田一畝五分盛宜彩邱集珍各一畝三分周曰杰彭福公陳策張壑雲各一畝二分毛岐山舒蔚山李盟海各一畝一分陳宏達蕭茂國舒榮永陳旭公嚴若夫嚴永興蕭良園各一畝毛勵成八分陳實菴陳敵仁蕭素雲各七分陳五桂蕭啓聖周

貞南陳初公夏式齋郭輝侯陳健菴嚴靖溪劉成五各六分周顯齋周鑑懷舒翰園鍾璞齋各五分朱文喜黃越千朱榮品盛竹汀羅艷冬陳卜東陳露華各四分盛煥彩姚祝穗舒步雲郭明月羅蘊敷羅蘊滄彭方中各三分共捐田三十四畝四分又衆買田三十二畝二共田六十六畝四分正米四石一斗一升三合二勺五抄八撮

梯雲社學下南鄉四十三四都田漳捐田三畝五分蘇起達林鳴盛趙朝佐各三畝邱觀瀾二畝三分陳秀章黃雲山各二畝劉芳榮余燕山邱瑞來邱子遜鄧光垣林際天邱仲日各一畝申輝彩一畝一分謝文亮六分邱其瑞五分內附四十二都陳榮詔一畝二分又衆買田

四十三畝一分共額正米五石一斗一升九合

輔成社學北鄉二十六都紳民公建於五鳳山玉露寺之

東更各五鳳書院有記見藝文王選士董民望王嵩毓

潘秀峯王磊翽各捐田一畝余三元續捐田三畝嘉慶

乙丑至己卯十一家衆捐共有錢四十三千二百文公

置田壹百一十七畝八分

斗魁社學在昇仁鄉張潤琴張選青各捐田四畝二分國

學生張郢西四畝五分張什英聶曉庭國學生聶勳元

張蒸雲各三畝三分

鼎新社學四十六都膏伙會舊存聽瀾堂及各家獻產土

名墩頭田七號二畝四分東嶺灣田二號二畝西坑山

與本鄉分租五石七斗六升七合道光二十六年新捐

羅思瑞獻土名靴坵墘田二號一畝一分又土名八

社田一號一畝五分陳朝清兄弟獻土名桐車上田一

號一畝六分汪四友堂獻土名樟樹下田一號一畝四

分張敦化堂獻土名楊沙坪穿壁下田一號一畝又會

內買受土名八社田一號八分桐車上田一號七分共

計租二十八石五斗六升七合

長樂鄉學在五十一都中潢盧馨畚堂所獻家塾屋宇基

地余環溪獻其佃屋併田合鄉陸續捐輸共計得金四

千八百七十五千文銀一百五十兩置田計官弓一百

四十二畝九分正額租二百五十八石二斗五升又增

置田計官弓廿六畝八分正額租共五十二石六斗七

升每年定十一月初十會課一次會計歲租出售得金

歲試存錢三十千文科試存錢二十千文餘罄給生童
鄉試科生給錢三千文

四十都上一箇文昌宮公置土名朱家山馬原墩鄱陽蕪
宮前後四處田租六十四石五斗

允茂義學在四十都公置磊石桐坪塘左側田租二十石
魏子宜捐田租三十石

登瀛社學在上南鄉三十九都姜國欽捐田租五十石

生員盛學黃妻吳氏男賡堦捐土名羅墩堰水田五號計
弓七畝六分租十五石五斗糧五斗三升二合佃戶袁
高樽爲合縣文塲鄉試卷資歸城市西南社學經理

學宮餘基道光四年六月初六日城鄉紳士合同面踏西
邊由宮牆外水塘循社倉後大溝直至貞節橋港爲界

東邊自文光祠後正齋署左循牆至前街左折周祠門
前先年買受盛煌幹空地一片後止街前止港右連宮
基左止王姓屋爲界由外泮循岸西至貞節橋港前後
左右週圍四正宮前西角橫街上下基地向建民屋數
家理宜拆開以廣明堂公議日後撤移更不得妄爲添
造

曲池義塾曰俯江樓在龍潭岸西乾隆己丑始建義田六
十畝以資膏火邑廩張問達有記見藝文雲南中丞譚
尙忠題額南昌太守張敦仁書興藝樂學四字又勝云
世上幾百年舊家無非積善天下第一件好事還是讀
書

跋如義塾在順義鄉地平陳誠圃遺石市中街朝東店一

所下街連界店二所河口朝西榨一所潘家隴連界田七號計九畝三分下塘半畝上塘二畝半塘上別構書屋二進額曰濠上觀共記穀租四十石錢租八十千文作每年讀書之費永不得典賣

射圃舊在學之東北宋紹興間知縣謝鐸建廣一十五步輪五十五步中立觀德亭後廢明立於東門外校場之右建亭三間後廢基爲民侵嘉靖二十一年知縣唐牧清入官

按射圃爲學人習射之地原與後世兵戎校場異義其制雖廢仍附學校以存古意

附亭閣

敬一亭原建於縣治東嘉靖二十二年知縣唐牧改立於學前丹牆內亭中刻明世宗御製敬一箴旁刻程氏范氏四箴崇禎九年以遷學廢

足才閣宋紹興間知縣吳彥夔建於學以藏書後廢

文明閣宏治十八年知府祝瀚臨學見明倫堂北有池因謀塞焉知縣毛騏建閣於上後培岡阜樹以林木學使邵寶有記

尊經閣在舊學明倫堂北宏治十八年得邑民張蘭空地建之黃碧山等助資縣丞易榮督修後廢至乾隆二年貢生盧大舉獨力捐資建閣於學後高阜之上其地卽文明閣舊基也道光二年長樂鄉監生李雲青重修道光己酉長樂鄉監生盧宣猷等遵父監生爲玉遺命重修

賓興附

武邑賓興會起自道光壬寅歲闔邑紳耆稟請前令王師道
得捐輸約數萬金首事潔已奉公設立善後規條至詳至
當自歲科文武童試暨鄉會試資贈數目輕重有差比詳
● 各大憲立案若城市北鄉昇仁年豐順義上南下南江陰
八鄉合建館於城東之明倫坊安樂長樂一館霞沱一館
中潢俱有圖見首卷其各館規條與捐戶佃戶坐落土名
號畝租糧若干俱詳各館賓興志茲擇其樂輸租項姓字
併錢數自八千以上者均得與書以昭獎勸惟願後來守
斯土者善總其成諸首事力襄於下俾一邑義舉可大可
久庶幾培養人材蒸蒸日上珣實有厚望焉

給費條例

一文場鄉試生監每名給考費錢十千文考遺未錄者給半已錄者照鄉試卷票於八月初四日全給武闈給錢十千文分作兩次騎射後給五千步箭後給五千

一北闈鄉試照本省式給錢十千文場後俟其親屬到館驗卷為憑

一文武會試給錢六十千文俟起文領水脚銀後本鄉殷實之人代具領字給發或有事故而未及赴京者或至京而未入場者着代領之人追繳一半餘半下屆扣抵

一優拔初次進京水脚照孝廉給發副歲初次進京起文後給水脚錢三十千文冒領者追繳領字亦照孝廉式

一文武童生照府試發案後每名給卷價錢一千文
一文武新進開門禮每名九六錢六千文歸廩保公繳

一新進文武童生每名公繳兩學轎資印色九六錢三千六百文

一文鼎甲省提塘報條每名給錢二十四千文武鼎甲每名給錢二十千文文場翰林部屬中書即用者每名給錢十二千文武場侍衛每名給錢十千文會試文場中

式每名給錢十二千文武場中式每名給錢十千文鄉試文場中式每名給錢十六千文武場中式每名給錢十二千文優拔副貢每名給錢八千文恩歲兩貢每名

給錢二千四百文以上十項條報並管鄉報錢路資一並在內概由賓興館首事專人送交

鄉紳培館公規

一翰林散館得編修檢討者出館規銀十兩

一用部屬主事者出館規銀十六兩

一用中書助教者出館規銀四兩

一知縣到任後出館規銀四十兩

一教諭訓導到任後出館規銀四兩

一佐雜到任後出館規銀四兩

一京官出試差者不論正副出館規銀貳十兩

一京官出學差者不論省分出館規銀壹百兩

京官陞六品出館規銀十二兩五品十六兩四品貳十

兩三品三十兩二品四十兩一品五十兩品級不論正

從外官按升階加倍出館規俱着其家屬送館交值年

司事同收

各鄉捐項列後

城市捐項

贈翁張立元捐租六十石

太學劉承緒捐租三十石內撥入文光祠十石又錢折租六石

議敘同知張向仁捐租二十石

太學盛學烹捐租二十石

太學張人驪捐租二十石錢折五石又佃讓減長租二石二斗錢折

職員潘映壁捐租十五石館基地折扣

職員盧振達捐租十三石

黃振宗捐租十石

黃芸窓捐租十石撥入文光祠

太學林中桂捐租十石

郡庠潘荷圃捐租十石館餘基折扣

大學潘靜淵捐租十石 內館側舖屋折租四石五斗

監生雷秉春捐租十石 撥入文光祠

田稼三捐租六石

盛崇言 職員黃偉章 內錢折租三石

大學盧帶 盛芝軒

鄧素塵 張猺圃 田被水廢錢折

冷立亭 冷燦章

雲騎尉汪騰雲 贈翁艾映溪 錢折

職員鄧士政 屋租折扣 職員陳舒嵐 錢折

陳印之 錢折 大學陳世裕 錢折

練瑞昌 錢折 已上各捐租五石

邑庠雷近仁 監生李樸懷

拔貢盛翹 張蔚東

陳治餘 盧正鎔

已上各捐錢十千文

邑庠張光烈 張樂吾 盛俊之 張如九

盧宣應 張賓旭 盛自南 崔噉岡

已上各捐錢八千文

昇仁鄉十一都捐項

大學熊稼東捐租二十石 熊玉堂捐租十石

文學熊鎮雲捐租十石 大學熊醒齋捐租十石

職員熊豐溪捐租十石

熊淡園 熊曰序

熊應華

熊轟園

李梅崖

李映碧

冷錫爾

冷元勳

柯樂賓

蔡廷彩

蔡賓崖

鄧景範

鄧蕃遠

劉振綱

太學熊特墅

已上各捐租五石

熊學豐捐錢二十千文

李梅崖捐錢十五千文

熊艷濱捐錢十千文

熊裕之捐錢十千文

李含暢捐錢十千文

熊則吾捐錢八千文

昇仁鄉十三都

熊景莽

例貢柯燕賓

功將軍張文彩

劉映庭

已上各捐租十石

劉方茂

鄉賓劉靄蘭

王拔元

劉魯溪

熊達山

劉靜軒

周隱泉

陳慧崖

周梧桐

熊恩榮

已上各捐租五石

劉敦復捐租五石三斗

熊國選

周翠峰

陳繼熾

劉履亨

鄉飲介賓熊趣浦

柯名山

已上各捐租三石

劉欽 漢波 兄弟

劉宗泰

已上各捐租壹石六斗

熊世華

陳心如

已上各捐租壹石五斗

劉欽梅兄弟

劉欽澗

劉音軒

已上各捐租壹石

邑庠柯 權捐錢十千文

陳志津捐錢十千文

陳應偉捐錢十千文

周恭禮捐錢十千文

昇仁鄉十六都

張榮顯捐租十石

張慕南捐租六石

陳道遠捐租五石

職員張慶堂捐租五石

柯訪賢

張殿選

胡如隆

黃組紋

已上各捐錢十千文

昇仁鄉十七都

謝廷舉

職員湯春谷

太學張會嘉

已上各捐租二十石

謝次梅捐租十石

職員葉子春捐租七石六斗

葉議全捐租六石

邑庠余織雲

冷練江

冷孚宇

汪少英

冷正倫

全希禮

張青體

謝淇水

張映川

已上各捐租五石

鄉飲大賓謝遠菴捐租三石

冷愛賡捐錢二十千文

程懷禮捐錢十千文

職員湯春谷捐租十石撥入文光祠

昇仁鄉十八都

候選州同戴顯光捐租二十五石 聶斗甲捐租二十三石

邑庠戴占魁捐租十三石

地贈文林郎柯雙溪 太學聶方泰

聶永豐

聶名裕

聶宋元

太學戴朝元

聶五泉

聶偉倚

已上各捐租五石

聶國珍捐租十石撥入文光祠

昇仁鄉二十都

葉氏始遷箸田祖榮發捐租十石

例贈武畧騎尉太學生葉以瓊捐租二十五石

太學葉縉榮捐租十六石

太學葉像麟捐租十六石

葉達才捐租十六石

太學洪益為捐租十一石

貢生葉長齡捐租十石

葉有三捐租十石

葉軍三捐租六石

太學葉景松

葉勝和

鄉飲介賓葉敬軒

葉秀廷

已上各捐租五石

周鳴鳳捐錢二十千文

太學葉翼安

太學葉鴻儀

葉步南

成繼江

鄭至善

已上各捐錢十千文

北鄉二十三都捐項

例貢生杜素齋捐租四十石

例贈儒林郎劉六成捐租三十石

賜贈文林郎劉劍堂捐租二十石

杜中贊捐租二十石

例贈文林郎潘鏡源捐租十石

鄭禮恕捐租十石

張文海

李璞安

李文昌

劉尙梅

劉尙寶

潘義文

監生劉解修

談慕崇

劉宇峰

韋國惠

韋峻宇

李映月

蕭萬盛

已上各捐租五石

潘大寬捐租二石五斗
潘聲永捐租二石五斗

新籍

印懋松捐租十四石

蕭盛萬捐租十石 撥入文光祠

劉顯達

吳永虎

陳元泰

印熙壽

已上各捐租十石

劉尙志捐錢十千文

張道朝捐錢十千文

張文明捐錢八千文

杜應子捐錢八千文

李兩渠捐錢八千文

潘卓水捐錢八千文

鄭應德捐錢八千文

北鄉二十五都

馳贈修職郎羅會海捐租貳十石

馳封修職郎黃錫環捐租十三石

太學生湯芝瑞捐租十三石

李原俊捐租十石

黃東雲捐租七石

潘鑑如

潘巨川

湯超廷

羅錫園

胡德先

胡聽溪

湯復旦

黃華大

胡仕祿

黃懷禮

黃慕材

已上各捐租五石

黃大興捐租貳石五斗 黃墨如捐租貳石

黃文琮兄弟 湯敦睦

已上各捐租壹石

新籍

徐大敏捐租十石

內撥五石
入文光祠

潘寓瀾捐錢貳十千文 藍兆獻捐錢十六千文

羅隆祥捐錢八千文 徐大敏捐錢八千文

北鄉二十六都

輔成社學捐租貳十石

例贈文林郎王靄雲 王嵩毓

李太亨 李烹雲

董惟翠 董任波

廖仞淵 何中茂

蕭英焯 魏遠程

王瑞菴 王衢圃

余三元

已上各捐租五石

潘大寬捐租貳石五斗 魏淵捐租貳石

張天相捐租壹石一斗

新籍

余三元捐租十石

內撥五石
入文光祠

田公濟 汪子旺

陳紹禮

已上各捐錢十千文

國學王鶴山

董澹齋

職員王心餘

廖谷寶

國學明任之

已上各捐錢八千文

北鄉二十七都

太學陳恕園捐租貳十石

唐光祿大夫楊託捐租十貳石

例授修職郎方達菴

李煥章

張蘊峰

項南山

已上各捐租十石

李萬安捐租八石

曾南輝捐租六石

黃家瑜捐租六石

吉安府訓導方春湖

楊朝選

劉壽江

劉暢懷

李常廣

李杏榮

太學李益堂

例贈文林郎貢生李樂湖

李直菴

余友琴

張赤夫

盛雲貴

項穀紋

陳元和

華少峰

王運銘

鄧良友

郭伯發

李文臺

郭明結

竇家萬

已上各捐租五石

新籍

譚錦清捐租十石撥入文光祠

王運銘

鄧良友

郭伯發

李文臺

寶家萬

唐道錦

徐以松

已上各捐租十石

藍漢元裔兆理賢捐錢貳十千文

余德梧捐錢十壹千文

鄢文貴

舉人李德

張懷瑾

已上各捐錢十千文

李玉薦捐錢八千文

徐以松捐錢八千文

年豐鄉二十八都捐項

梁用賢捐租貳十石

楊禹榮

夏鳴岐

黃有文

樂壽表

已上各捐十石

李遠聲捐租六石

傅浴川原租十石因水廢田降租五石

陳德厚

陳從玉

印文貞

朱鳳裔

李靜山

焦必揚

李珍夏

李淡秋

石華道

明公慶

焦以文

陳聖傳

應亮誠

陳大華

已上各捐租五石

新籍

樂壽表

梁用賢

黃有文

已上各捐租貳十石

陳聖傳

應亮誠

陳大華

已上各捐租十石

年豐鄉三十都

辛有光捐租五石

雷方照捐租五石

年豐鄉三十一都

鄧潛谷捐租十石

成甫衡捐租十石

阮懷秀捐租十石

李旭升

楊隆章

周思忠

陳遜夫

方懷貞

李定拔

盛敬孚

陳綱公郭坑裔

劉朝宗

鄧斐然

已上各捐租五石

新籍

阮懷秀捐租貳十石

劉朝宗

鄧斐然

已上各捐租十石

年豐鄉三十二都

鄒江陵捐租貳十石

鄒相才捐租十石

吳福先捐租十石 內錢折五石

汪鳴岐捐租六石

鄒敏才

鄒逢勝

鄭景仁

龔可儀

余冠度

已上各捐租五石

年豐鄉三十三都

黃生車奇峯捐租十石

徐有朋捐租十石

程汪度

車華榮

車獻朝裔

藍瑞鳴

已上各捐租五石

曾盛各捐錢三十千文

劉教吾捐錢十八千文

李柏林捐錢十六千文

李杏園捐錢十二千四百文

雷九思捐錢十二千文

汪恢序捐錢十一千文

朱重廷

傅輪輝

劉文德

李樹梅

傅若水

吳棟雲

曾彥文

車達海

陳其棟

鄭漢雲

焦代龍

已上各捐錢十千文

李開生捐錢玖千文

李朝海捐錢玖千文

盛蔚雲

李會章

戴榮魁

李蟠仙

周希章

成順鑑

徐正大

已上各捐錢八千文

順義鄉三十四都捐項

熊伯雅捐租十貳石

贈文林郎

陳奇文捐租十石

喻顯哲捐租十石

陳樂敦捐租七石

范詔堂捐租六石

職員范辛莽

監生范香井

范吉鴻

范方器

范兆浚

范讓川

范戴周

范隱溪

唐林軒

仰漁亭

喻廷芳

段原善

唐本忠

劉裕南

已上各捐租五石

章福春捐錢十千文

陳砥柱捐錢八千文

喻興隆捐錢八千文

順義鄉三十五都

贈贈文林郎湖北金口鎮安司胡滙含

余成萬

余桂華

已上各捐租十石

宋禮部尚書

蘇仕休

雷穀瑞

張濱岐

吳勝遠

余雲陞

余伯簡

胡漢臣

胡禹璧

楊仲武

已上各捐租五石

吳淡懷捐租貳石

余世興捐錢十四千文

雷民宗捐錢十貳千文

胡美文捐錢十千文

胡欲誠捐錢十千文

余九祥捐錢十千文

熊茂蓀捐錢十千文

汪永昌捐錢九千文

團田張衆捐錢八千文

張應鳳捐錢八千文

熊昇生捐錢八千文

順義鄉三十六都

葉斗魁捐租五石

葉薜臣捐錢十千文

順義鄉三十七都

增廣生劉文鏡捐租十四石

庠生劉霞蔚捐租十一石

劉碧園捐租十一石

鄭義文捐租十石

劉藜炤捐租十石

傅執言捐租十石

周道夫

鄭瑞崖

黎夢懷

黎晨輝

劉耐亭

劉允仲

鄭珮

劉均義

劉大敷

已上各捐租五石

周奉莪捐租壹石

鄭彩周捐錢十四千文

蕭相吾捐錢八千文

黎仁貴捐錢八千文

鄉飲介賓傅廷魁捐錢八千文

順義鄉三十八都

監生楊象廷捐租十壹石

楊文曉捐租十石

楊廷棟

監生楊望江

楊輝吾

楊善笙

楊樹德

楊翠圃

胡聲榮

胡勝寬

蔣映西

蔣潤玉

蔣揀才

徐祿將

王越萬

黃聖言

已上各捐租五石

黃明才捐租五石七斗

錢折

王因川捐租三石五斗

朱裕鼎捐錢三十二千文

監生楊望江捐錢八千文

上南鄉四十都二圖捐項

例贈文林郎葛鏡崖捐租柒拾石

封職葛懷星捐租貳十石

太學生葛華運捐租貳十石

例贈修職郎葛蔚初 太學生葛華祖

葛篤才

葛耀庠

施坤茂

李映川

張瀑雲

已上各捐租十石

明奉議大夫張自謙捐山底租錢十千文

戴穀人捐租六石

葛燭之

葛嘯堂

葛銳文

李浴峯

張翼風

鄒巨海

施玉書

羅繩遠

陳文瑞

鍾家典

余載吾

黃士寵

余步川

鄒星雲

職員葛盛鈞

劉耀廷

鍾元興

職員邱穗蘭

已上各捐租五石

新籍

劉耀廷捐租十石

鍾元興捐租十石

楊蒼玉捐租十石

楊帶山捐錢貳十千文

陳玩華捐錢貳十千文

邑庠葛竹軒捐錢十六千文

葛大景捐錢十六千文

鍾明彩捐錢十六千文

羅獻寬捐錢十四千文

監生葛九佳捐錢十貳千文

葛宇和捐錢十貳千文

艾衛周捐錢十貳千文

副舉葛廷颺

廩生葛時成

監生葛懷珍

監生葛尊五

葛斐成

張淨凡

劉宗福

繆彩英

施茂山

張玩亨

張浴林

蕭贊成

葉秀彩

陳玉珩

葉其泗

饒聆云

已上各捐錢十千文

上南鄉四十都一圖

上五遞

明職 葉月潭捐租三十石

恩職葉光宇

職員葉啟

監生葉定策

職員葉傲亭

魏允茂

葉坦吾

已上各捐租十石

葉松阜捐租柒石

職員葉谷園

葉萬軒

葉孔彩

魏汗崖

魏制宜

魏更升

葉棟才

葉寓山

葉浴山

葉富顯

葉托予

已上各捐租五石

葉顯情捐租三石

葉肅雍捐租貳石

葉茂吾捐租貳石

葉欽吾捐租貳石

葉穎函捐錢十四千文

劉彥文捐錢十壹千文

葉坤山

楊清渡

葉銳廷

已上各捐錢十千文

上南鄉四十都一圖 下五號

監生葉光緒

已上各捐租貳十石

監生葉光宗

葉文恭

職員羅石堂

生員葉觀業

已上各捐租拾石

羅孟寬捐租五石

葉子春捐租五石

葉榮秋捐租貳石四斗

職員葉朝晚捐租壹石

葉日輝捐錢貳十千文

葉耀圭捐錢十貳千文

吳儒公捐錢十三千文

魏有章捐錢十千文

上南鄉三十九都

貢生鄒佐庸捐租貳十石

生員張靜凡捐租十貳石

監生鄒名顯捐租十石

張養吾捐租十石

監生鄒亢宗

丁慶雲

熊謙善

姜國欽

姜道成

張魯卿

張希周

鄒文英

監生鄒尙周

鄒擴吾

葉若泉

已上各捐租五石

張步朝捐租貳石

張獻江捐錢貳十千文

趙承福捐錢貳十千文

熊惠南

張學莊

張榮山

張成忠

熊輝賢

羅敬三

張玉冰

熊海波

上南鄉四十一都

已上各捐錢十千文

劉美瑞

陶顯榮

已上各捐租拾石

陶正三

陶露紳

尹佑成

劉輝明

邵耀廷

已上各捐租五石

邵時特

劉勝任

已上各捐租貳石

下南鄉捐項

田束水

職員田躍魚

職員余生

監生田漳

監生田蘊章

邱鳴江

明謚忠烈姚伊五

職員蘇世章

蘇光紱

職員舒廷聲

已上各捐租貳拾石

四十都海航社學獻賓興館地基作租拾五石

生員李守環捐租拾貳石壹斗

田麗江

監生田昆

田鳳翽

田嘯桃

蘇澡渠

李華紹

監生邱直山

職員趙朝佐

李相源

邱創兆

賴成英

邱董事會

舒廷聲 撥入文光祠

監生邱學三

已上各捐租拾石

職員余 楫捐租拾石 捌斗 錢折

田德端捐租拾石 錢折

生員艾 楨

鍾振三

周鑑懷

邱懷仁

蕭開賢

舒原爵

盧發耀

嚴伸九

廖永松

吳望儒

陳實菴

陳少峰

杜顯華

鄆賜吾

雷昌俊

夏式齋

蕭良園

萬承冕

張壑雲

何魁文

吳逢良

舒翰園

舒滌渠

邱國修

王生勇

生員萬邦憲

葉翠有

鄧裕齋

鄧在明

艾道梅

劉良矩

鍾仁鳳

劉有麟

劉有麟

謝廷山

曾登宣

職員劉拔誥

鄭中立

劉成五

陳思堯

已上各捐租五石

劉鵬舉捐租五石貳斗

陳承鑑

趙必懷

監生邱渭川

劉勰怡

陳盛波

劉肇雲

劉世富

已上各捐租五石俱係錢折

劉有盛捐租叁石

劉有龍捐租壹石

劉有良捐租壹石

新籍

鄭中立捐租拾五石

劉成五

劉鵬舉

陳思堯

李定波

劉世富

譚儀賓

楊選成

廖元明

羅藹廷

劉先鼎撥入文光祠

已上各捐租拾石

余蒼吾捐錢貳拾千文

張茂林堂捐錢拾貳千文

盛用九

曾燦淑

謝廷山

林燮君

盛帶雲

蕭雲輝

曾達淑

鍾子哲

周貞楠

已上各捐錢拾千文

鍾有堂

鄧毓峯

凌伏敏

盧騰芳

彭祺

何魁文

陳延義

邱秉光

周日杰

余福三

鍾仕雲

已上各捐錢捌千文

江陰鄉四十五都捐項

職員張耀波捐租貳拾石

喻幹廷捐租六石 庠生王企三捐租五石

陳秉光捐租五石 內錢折三石

盛近谷捐租五石 內錢折貳斗

甘宗松捐租三石零五升 內錢折五斗

蕭宗義捐租貳石五斗

盧西川捐租貳石

江陰鄉四十六都

太學陳鴻翥捐租十石 崔獻吾捐租十石

邑庠崔蘊章捐租六石 王達舫捐租五石

廩貢王 佐捐租五石 優廩王賚卣捐租五石

崔申玉捐租五石 錢折 王子敦捐租貳石

潘聚海捐租壹石四斗

江陰鄉四十七都

胡樹堂捐租貳十石 李應瑞捐租十石

正寧縣志 卷七
三十三

劉貢胡矩齋捐租五石

錢折貳石三斗

邑庠胡紫垣捐租五石

江陰鄉四十八都

盧于左捐租十六石

內錢折貳石四斗

蕭碧淮捐租十石

太學王之蕙捐租八石

張拔雲捐租五石

蕭雲輝捐租五石

王蘊聲捐租貳石

王仕宏捐錢十六千文

王時適捐錢十三千文

邢臨宇

邢象環

邢磊才

李聖蔡

胡若虛

鄧興向捐錢九千文

瞿敦誠堂

蕭懷之

長樂鄉捐項

李坦莽捐租六十貳石

邑庠余盤村

州同余梅村

封翁舒凌峰

已上各捐租貳十石

余素心捐租十貳石

盧亦圃

監生舒偉齋

監生舒恕堂

監生舒挹峰

盧仲先

邑庠呂義夫

已上各捐租拾石

監生余懷玉捐租六石

余鐵舟捐租五石五斗

盧海峰捐租五石四斗

盧隱山捐租五石二斗八升

監生舒拊石捐租五石二斗

盧登元

盧伯元

監生盧退圃

監生盧退菴

盧德成

盧六水

申前所

盧澹園

盧運興

姜拱照

黎詒厚堂

監生盧南圃

盧靜先

已上各捐租五石

盧正六捐租三石三斗六升

耆賓盧介亭捐租三石

余道彙捐租三石

盧明山捐租三石

盧于達捐租貳石六斗監余任之捐租貳石六斗

李懷誠捐租貳石五斗四升

盧淡菴

盧萬英

李遠毓

余藝之

余聘之

余曉之

况勉仁

余文煥

余松庄

盧孟軒

邢學賢

余式如

梅位英

張信三

李衡山

監生盧蕊冰

盧五先

已上各捐租貳石五斗

王明遠捐租壹石六斗

盧怡怡堂捐租壹石四斗四升

盧碧山志恆捐租壹石貳斗八升

盧立松捐租壹石八斗繳盧環捐租壹石三斗

盧一齋 盧馨畬堂 盧禹元

盧顯玉 已上各捐租壹石貳斗

盧孟勇捐租壹石

盧曾東捐租壹石

盧禹珍捐租壹石

王余賢捐錢貳十千文

盧承高

盧丹成

余松崖

已上各捐錢十千文

盧教文

余遠朋

周啟公

盧明德

况美周

已上各捐錢八千文

安樂鄉捐項

翁麗窓裔捐款字峯書屋壹座

增貢翁 藻

增貢翁 蘋

湖南候補縣丞翁藻 合捐租壹百石

例贈文林郎劉肅齋齋捐租三十石

張漉川齋捐租貳十石

例贈修職郎劉一曲齋捐租十六石

例贈文林郎文庠張以字春用錢壹百千文折租十五石

太學盧竹圃齋捐租十貳石

陳宗文齋捐錢八十千文折租十貳石

太學翁承烈

翁宗榮

太學翁承勳

文庠翁宗樾

王樛十齋

職員翁俊儻

已上各捐租十石

黎金錄捐租八石

黎啟鋒捐租七石

太學翁業齋

候補縣尉翁承耀齋

余干臣齋

余素葦齋

王英六齋

王布德齋

王均甫齋

石允恭齋

石敬理齋

石松筠齋

石華宇齋

李潮英齋

李懷一齋

王尙周齋

王思藻齋

徐植三齋

陳承羔齋

張穀雍齋

太學李琳園齋

職員翁成垣

已上各捐租五石

李尙雲齋捐錢貳十八千文折租四石

王用奇齋捐錢貳十四千文

張曲池書院捐錢貳十千文

余亭谿捐錢貳十千文

張益壽齋捐錢十六千文

葉心柏堂捐錢十五千文

董時昌齋捐錢十四千文

余淑林

王榮軒齋

王三星堂

例貢石攻玉

石片如

胡大仁

已上各捐錢十貳千文

余寒溪齋

王君權齋

湖北監利縣丞王瑞鼎齋

封翁例貢生王洪鼎齋

安徽廬州府經廳王瑞芝

封翁邑增生王瑞台

陳三瑞堂

梅天琦齋

梅能文齋

橋頭黎眾

昌溪易眾

李翼詒堂

張明洧

張仗左

張浴沂

張亨瑚

董若愚

黎應沼

李智齋

劉景琳齋

黎六怡堂

已上各捐錢十千文

余文達齋

余光曜齋

余美英裔

余師彥裔

余鑑明裔

黃占山裔

黃納廷裔

邱勝瓏裔

張 釗裔

石崇崖裔

胡澄忠裔

李才越裔

梅蘊文裔

李雪莊裔

翁德明裔

董亨通裔

余廷翥

余潤之

余協孚

黎竹書

黎俊文

翁癸水

王濟人

李振遠

劉秉衡

劉挹青

劉璞堅

石攻如

石眷懷

石勝寮

張勤梳

翁香遠

張茂南

已上各捐錢八千文

各鄉小賓興

江陰鄉賓興公宇在四十七都長沙課塘共計十八間屋

後山一嶂左右地一畝道光二十五年文童胡鳳九奉

孀母余命捐獻

上南鄉二圖小賓興各獻戶捐置四十一都洞下田租五

十八石庄屋一所圍園秋地在內置南山嶺背壠又均

子裡田堰水灌蔭又殿嘴頭田二號塘一口共田租二

十八石置平原白菓樹下田租十二石置無草壠田租

一石山口張富公捐田租二石萬祚元捐田租五石共租一百零六石向置省城黃家巷試館一所計兩重四十都上一園小賓興田租土名岸頭墩洞下墩河壠水田三處計租二十三石

昇仁鄉都賓興館在十七八都之中區上流村州同戴顯光監生謝炳然捐建廣五丈七尺縱十一丈六尺頭一進門房四間東西廊房六間中一進爲晏堂上有文昌樓又其上爲魁星閣兩旁環以小房各三間三進東西廳房各一間其上一進爲寢堂設栗主以祀捐租者之先人兩旁房四間又館之東偏爲倉屋都中計捐租二百餘石以爲士子考費膏火

附昇仁鄉十都



張玉章捐租三十石

監生劉賓雲捐租十石

張黎邨

冷復昌

劉五有

已上各捐租五石

劉巨堂捐租三石

劉芳蘭

張越騫

張壽五

已上各捐錢貳十千文

昇仁鄉十二都

陳承璧捐租貳十石

黎恒茂

黎趙福

黎燭之

瞿美玉

黎元秦

瞿嶽宗

王添文

黎賢簡

陳坦軒

已上各捐租五石

陳秀文捐錢十貳千文

昇仁鄉十五都

監生劉梅灣捐租貳十石

貢生余勉齋捐租十石

余松山

監生張映川

張維新

夏聖岳

劉聖生

柯克巖

夏寶齋

已上各捐租五石

林可達

